

四庫全書

史部

欽定四庫全書

史部

浙江通志卷一百

五十至
五十二

詳校官給事中臣戴璐

檢討臣德生覆勘

總校官編修臣倉聖脉

校對官助教臣胡予襄

謄錄監生臣孔繼峰

欽定四庫全書

浙江通志卷一百五十

名宦

五

嘉興府

三國吳

步騭

吳志本傳字子山臨淮陰人孫權召騭為主記除海鹽長還辟車騎將軍東曹掾黃武五年

權稱尊號拜驃騎將軍領冀州牧上疏曰郡守百里各得其人共相經緯庶政豈不康哉竊聞諸縣

並有備吏小人因緣銜命不務奉公而作威福無益視聽更為民害可一切罷省權采其言多蒙濟

賴赤烏九年代陸遜為丞相嘉興府志
隲長海鹽性寬雅博研道藝訓齊風俗

晉

鄧攸晉書本傳字伯道平陽襄陵人元帝時吳郡閩
守帝以授攸攸載米之郡俸祿無所受唯飲吳
水而已時郡中大饑攸表賑貸未報乃輒開倉救
之在郡刑政清明百姓歡悅為中興良守後稱疾
去職太寧二年
遷會稽太守

高使君

弘治嘉興府志逸其名建武中為嘉興監屯
田校尉領兵三千屯田於此久而鎮靜歲遇

豐稔公儲有餘有功
德於民立廟祀之

鮑陋

萬厯嘉興府志隆安中任海鹽令會稽賊孫恩
攻縣陋禦之恩走復遣子嗣之以兵一千為劉

裕前鋒追恩裕慮吳人不習
戰命之後嗣之竟前戰死

南北朝

劉霽

冊府元龜字士湮平原人天
監中為海鹽令以和理著稱

徐份

陳書徐份傳份陵之子有父風解褐為祕書
郎累遷太子洗馬出為海鹽令甚有治績

唐

趙居貞

嘉興府圖記彭城人天寶九年吳郡太守以
嘉興海鹽地廣奏割華亭縣又海鹽多盜置

海寧鎮

節束之

朱自勉

嘉靖浙江通志為嘉禾屯田都知修水利賦
畝之政民始殷富大厯間為長興令士民頌

之如
嘉禾

李諤

唐書地理志長慶中令海鹽開古涇三百以禦水旱海鹽縣圖經諤爲縣令察俗利病引河流

資灌溉民到今利之嘗於西郊立望城館張祐過之題詩

宋

柳植

宋史本傳字子春真州人舉進士甲科爲大理評事遷著作郎知秀州擢知制誥求知蘓州徙

杭州累遷吏部侍郎植平居畏慎寡言笑所至官舍蔬果不輒採家無長物時稱其廉

王恕

萬厯嘉興府志深州饒陽人開寶中知秀州盜起城陷殺恕其子濟方州角賊刀脇之濟伏尸

號慟曰父死吾安用生恨不能殺汝報仇耳賊義釋之官軍至濟謁帥陳討賊計帥賜束帛聞於朝

假驛以歸後以死事
孤試學士院補官

劉師道

宋史本傳字損之一字宗聖開封人舉進士
歷祠部員外郎出爲京東轉運使咸平四年

擢樞密直學士坐事謫降以郊祀恩起知秀州師
道敏於吏事所至有聲吏民畏愛加樞密院直學
士

羅拯

宋史新編字道濟祥符人第進士
秀州諸所興革民便之加天章閣待制

李餘慶

王安石李餘慶墓誌字昌宗家於福之連江
起家應天府法曹叅軍知湖州歸安縣後通

判秀州州近鹽場餘慶作華亭海鹽二監以業盜
販之民歲入緡錢八十萬又爲石堤自平望至吳
江五十里
以除水患

錢藻

萬厯嘉興府志字純老和州人進士大中祥符間判秀州善持法擊奸仆强郡中大治終翰林

學士

魯宗道

東都事畧字貫之亳州人舉進士為海鹽令縣治東南舊港口導海水至邑下人以為利

號魯公

浦仁宗即位除龍圖閣直學士拜為諫議大夫叅知政事遷禮部侍郎贈兵部尚書諡肅簡

龐籍

宋史本傳字醇之單州武城人及進士第為黃州司理叅軍知州夏竦以為有宰相器為刑部

詳覆官久之出知秀州景祐三年進天章閣待制為樞密副使改叅知政事拜同中書門下平章事以太子太保致仕諡莊敏籍曉律令長於吏事持法深峭治民有惠愛

蘓裒

萬厯嘉興府志武功人皇祐間知嘉興文學吏治皆有聲稱

聶厚載

弘治嘉興府志皇祐中知秀州
攘敵活疫邦用熙靖以循政聞

李惟幾

弘治嘉興府志字幾道河內人嘉祐中為海
鹽令時方海饑會漕使元絳行郡李上書乞

啟郡帑假官錢貸民糴種濬治溝洫以備水旱
又植木為閘及置鄉底堰三十餘所民賴以稔

葛宮

宋史本傳字公雅江陰人舉進士授中正軍掌
書記知南充縣以惠政聞徙知秀州秀介江湖

間吏為關涇瀆上以徵往來間有昏葬趨期者多
不克宮命悉毀之積官祕書監太子賓客轉工部

侍郎

范世京

嘉興府圖記字延祖吳人文正公孫進士熙
寧間令海鹽勸民孝友力田治聲冠浙右時

新法行召至京將用之以論不合還治
民歡呼相迎尋以疾乞休詔進祕書丞

高覲

宋史本傳字會之宿州蘄人進士爲嘉興縣主簿累官集賢院學士萬厯嘉興府志覲爲主簿

諫已愛民

有循吏風

韓瓘

萬厯嘉興府志字德全開封人叅政億之曾孫元豐間知秀州蒞官敏銳事無壅滯吏不敢欺

人稱有忠獻家法

高元常

晁補之高元常墓志字復明世家符離用恩爲將作監主簿徙嘉興丞嘉興劇縣令不任

事則求持檄出旁郡訟牒如山元常暫領其事一朝剖遣立盡先是佃戶靳輸主租訟由此多元常揭而書之曰田人田嗇其入權且奪田民競往償訟於是哀守吳安世黠貸私委令市竹元常語令母受令阿安世餓其欲後安世繫獄令欲告之元常曰前戒君母受受而告之可愧後轉奉議郎

喬大臨

弘治嘉興府志政和三年為海鹽令時平江朱勗以花石得幸浙江之西一花一石不問

何人家朱氏蒼頭排闥而入以黃紙封之戒主人曰善護御前物蒼頭至海鹽入僧房將盡封花石僧徒少拂其意即蜚之訴於縣大臨命追逮杖十餘人朱氏誣劾之坐是罷免

宋昭年

弘治嘉興府志宣和間知秀州盜發嚴州昭年謂吾州次當受敵於是大修城隍明年賊

果抵城下昭年與民乘城自固賊留三日無敢薄城者朝廷嘉其功進職

鄧根

弘治嘉興府志字深伯昭武人建炎初知崇德縣有風力高宗南渡陳通叛於杭根率揮杖手

鮑貽遜與戰辛道宗軍潰賊勢益張根善射有勇畧卒誅通次年徐明叛根討平之代程俱為知州

黃灝

嘉興府圖記字高昌都昌人進士建炎中知秀州兼提舉浙西常平州大饑孳瑾相望時有停

閏夏稅之旨灝乃更請併閏秋苗不俟報遽行之言者罪其專削兩秩而從其請人尸祝之

趙士醫

宋史趙士隆傳士醫任秀州兵馬都監建炎四年兀朮入州士醫乘城拒戰城陷死之後

贈武翼大夫

朱良

續文獻通考字良伯吳郡人仕海鹽尉時金人分兵入境良集射士百餘奮而前力不敵竟死

事聞官其子思孜等

姚憲

海鹽縣圖經字令則刺人以父任補海鹽丞惠利及人後知秀州王豪錢安國舍匿亡命為奸

盜州縣莫敢詰憲擒之并其支黨悉置於法焚其巢穴州里遂安浙西大水民饑憲請輸粟萬斛以

賑朝廷賜書獎諭累官叅知政事

邱耒

嘉靖浙江通志字少潛常熟人紹興中知海鹽治學宮築海堤二十里民有宿逋檢縣藏得美

餘悉為代輸郡有疑獄一時平反

徐光實

海鹽縣圖經字德充晉江人進士紹興間知海鹽清白慈愛歲旦輒縱囚歸省吏恐亡去

囚輒如期至無敢脫者

丁安義

海鹽縣圖經紹興間為海鹽丞值歲旱詔復民租十之八而和糴尚未罷安義語令曰歲

饑常賦且減不應復有和糴即上官怒安義請以身當之檄屢下抗論反覆卒賴以免

唐璘

嘉靖浙江通志字伯玉古田人紹興間為監察御史出知嘉興府政通人和及去父老出涕遮

送數十里不絕官至太常卿

張瑄

陸游張瑄墓志字子律寧州真寧人知嘉興府中貴人藍氏殖產於崇德縣名田過制而役不

及有鍾淳者糾之藍迫期去產以規免官吏欲許之瑄判曰兩家物力相去遠甚而藍又白腳必如法乃可一郡稱快民張瑄得臨安營妓與之歸欲棄妻出子其兄止之復悖兄兄以告瑄為逐妓以大義開諭之於是瑄兄弟夫婦父子如初

丘室

宋史本傳字宗卿江陰軍人隆興元年進士遷太常博士出知秀州時華亭縣捍海堰廢且百

年鹹湖歲大入壞並海田蕪湖皆被其害室至海口訪遺址已淪沒乃奏勅築三月堰成三州渴鹵復為良田除直祕閣升龍圖閣移帥紹興府寧宗即位知慶元府陞寶文閣學士刑部尚書同知樞

密院事
謚忠定

汪彥端

萬歷嘉興府志字充之黟縣人乾道己丑廷對第三人歷知秀州時有勢戶占田數千畝

不輸賦彥端責其輸而以田歸之民

李大下

弘治海鹽縣志乾道中為海鹽令縣境有常豐二閘歲久僅存其一日就隳壞李大下重修

以復其舊且置堰以通往來民便之

徐蕨

萬歷嘉興府志字子禮吳人進士初知江陰軍歷浙東提舉常平乾道末知秀州以文章飭吏

事無苛猛之政吏民舉安

李陟

嘉興府圖記字允昇內黃人進士歷殿中丞令嘉興強果辦治遺愛為人所思

韓彥質

嘉興府圖記淳熙中守嘉興遇事精敏無阿私奸猾畏憚政既成優游撫馭郡以無事

吳柔勝

萬厯嘉興府志字勝之宣州人淳熙進士為
伊洛持敬之學丞相趙汝愚知其賢將賓之

館閣乃權差嘉興府教授日切磨諸生講學不怠
浙右大水常平使委以荒政竭力推行多所全活

會汝愚去國罷後知
太平州加祕閣修撰

李直養

弘治海鹽縣志字無害維揚人紹熙元年為
海鹽令興修水利增置鄉底堰八十餘所重

蓋開屋易閘板
自是農被其利

黃幹

宋史新編字直卿閬縣人受業朱熹遂以其子
妻幹寧宗即位補將仕郎監台州酒務調嘉興

府石門酒庫歷知安慶府諡文肅正德崇德縣志
石門酒庫前此庫官多武夫子弟為之既律身不

廉而吏恣為姦官酷薄私釀橫行故積負上司
錢以萬計幹既至以官本錢自往市米於產米之

地凡纖悉必躬親雖隆冬烈暑不憚也歲入霽然或謂瑣瑣者何足以煩君子幹笑曰孰非公家事耶在官中酒庫利弊見於諸劄

陳仲微

宋史本傳字致廣瑞州高安人嘉泰二年舉進士遷海鹽丞鄰邑有疑獄十年郡命仲微

按之一問立決知贛州江西提點刑獄迂賈似道罷德祐二年遷祕書監尋拜右正言左司諫殿中侍御史

彭欽

嘉興府圖記字仲恭清江人嘉定間以父廕授軍器監主簿添差嘉興通判監司表其廉平

皮龍榮

宋史本傳字起霖一字季遠潭州醴陵人淳祐進士遷著作郎入對因及真德秀崔與之

廉龍榮曰今天下豈無廉者願陛下崇獎之以風天下執賞罰之公以示勸懲帝以爲然兼兵部郎

官差知嘉興府召赴闕遷侍右郎官景定二年拜
叅知政事舊浙江通志龍榮知嘉興德政著聞

朱寢炎

萬厯嘉興府志字叔明吳人實祐初
尉海鹽廉恕決獄平郡帥多屬以事

元

高仁

黃潛高仁墓碑字壽之世居無棣縣少以材推
擇為吏會元兵南伐署招討司提控案牘厯萬

戶府知事改江浙行中書省檢校官尋擢工部主
事復入江浙行中書省為左右司員外郎授嘉興

路總管府治中時列郡方祠奉帝師凡庀材用召
匠傭一出於民力仁獨諭浮屠氏之籍於白雲中

者俾任其役官無一粟之耗民無半
餉之勞而祠事以儲部使者以最聞

辛仲寶

嘉興府圖記字仲和彰德人大德初
守郡政事修明興利舉廢悉中民情

鄭大中

虞集鄭大中墓碣字義甫除嘉興路推官嘉興浙大郡獄尤夥大中決遣之數月乃至無

事

貢師道

萬厯嘉興府志字道甫宣城人舉茂才累遷國史院編修會修宋遼金史忤當事出爲府

治中上下
憚其廉明

褚不華

元史本傳字君實石樓人沉默有器局泰定初授海道副千戶轉嘉興路治中萬厯嘉興

府志政事精明奸猾屏息傍郡冤滯者多赴訴之後爲淮東廉訪副使守城城陷死節追封衛公諡

忠肅

盧禮

弘治嘉興府志字仲敬太平人至順元年知崇德州時旱澇相仍民多流離禮捐米賑濟州境

然宴

杜浦

劉貞

嘉興府圖記浦嘉興府總管勸農桑除民疾苦振興學校教化大行後有劉貞

撫循鰥寡愛民造士有浦之風

陳伯顏

嘉興府圖記字大有睢州人至正間尹嘉興時兵興征調繁苛伯顏勸率巨室寬假貧窮

細大無擾而事亦辦給禁暴戢奸邑賴以安

王雍

正德崇德縣志字元肅至正二十年任崇德州律已公廉臨事明敏遷改儒學建明倫堂及東

西齋陞蘓州府同知

陳春

弘治嘉興府志爲嘉興路推官有能聲至正中民販私鹽事覺牽連千餘人獄久不決春往治

之即得其情釋被誣者數百人闔境
稱為神明時久旱至是雨號陳公雨

石光著

明一統志字仲明海陵人至正間
為嘉興尹多善政士民立碑頌德

陳良弼

嘉興府圖記字公輔寧國人至正間嘉興路
學教授律身教人皆存古道一錢斗粟不入

私室修葺學宮經費鉅萬以屬良
弼良弼辭非儒官所預守益賢之

明

薛祥

嘉興府圖記字彥祥無為州人洪武初為工部
尚書數直言全活人以千計丞相胡惟庸惡之

左遷北平布政使有惠愛謫守嘉興愛民節
用稱為循良惟庸誅召入復為工部尚書

魏誠

嘉興縣志河東人洪武初為嘉興丞鎮撫新附
之民興舉學校撫字有方一時名士皆其造就

查覆戶籍之隱匿者三百餘家遷戶部郎中

謝天錫

萬厯嘉興府志字純父吳縣人為嘉興簿明初羽檄交馳傳使所經科索繁重天錫優柔

處之民孚事集兵後田多荒蕪勉有力者墾之繫囚病疫為湯藥饘粥以濟有殺人情真而未獲尸久繫稱冤天錫廉得之囚具服民稱神明

趙豫

明一統志嘉興府推官謙獄平恕郡有貧民構訟繫獄久之餽餉屢絕豫審其情縱使就食民

亦感服不忍去

鄭深

道舊浙江通志龍溪人洪武中視兩浙鹽運使司獄廉得數人非其罪出之比還其人各懷

白金尾舟以謝深道却之授程鄉縣教諭改嘉興秩滿遷寧波府學教授

畢輝

齊搏

石門縣志輝洪武中知縣事搏為丞協恭為政有旗軍小劉以公幹來自京師

直馳甬道械繫以聞上嘉之遣行人齎勅勞之曰爾在官執法不容姦慝較諸有司可謂出衆特勞

爾醴酒其竭心力以光初志輝為政尤重風化

龐安

萬厯嘉興府志洪武中通判嘉興是時鹽禁殊嚴安獲嘉興府志洪武中通判嘉興是時鹽禁殊

以安違例取罪狀安上書曰律者萬世之常例者一時之旨今欲准例而行則與給賞應捕之律相

違而使陛下失大信於天下也是其言

劉燾

江南通志字尚載太湖人洪武貢士任柳州知府厯嘉興寧波咸有政績舊浙江通志永樂中

移守嘉興慈祥愷悌不任威刑郡人愛之

戴皞

授順德府學訓導嘉興府皞病文勝先科

重經術故士多實才而皞亦以績最進德清縣教諭一新學政士不舉凡十科自是舉者不絕父喪服闋改慈谿縣士恨得皞晚秩滿擢教授再蒞嘉興學者益衆有富民數輩遣養子入學皞不可民賂按察官彊皞執愈確坐是忤意竟以他事去皞意識所到輒抗言高論不嫌越職抗湖諸府漕倉去河遠奏徙之嘉興吏胥時被繡乘馬觀海諸衛進表賤多不如制皆奏禁之

齊政

時徵役嘉興府志山陽人進士永樂中知嘉興府

代迄役而民不知勞

上官廉

弘治海鹽縣志江西南豐人舉人永樂十三年知海鹽縣公平正直和易近民歿於官歸

葬之日民有
執紼號泣者

蔡揖

獻徵錄沛縣人舉孝廉為嘉興知縣初至官出
滯囚二百餘人勸率富民納逋糧四十八萬有

奇縣多亡賴揖於縣廳置善惡二牌民有善則志
之有過惡弗率教令亦志之由是民感媿皆趨善
而去惡擢監御史陞浙江僉事

趙緯

嘉興縣志字大經洪熙改元以浙江憲副謫嘉
興典史遇事剛決縣無留事吏部侍郎黃宗載

以清軍行部至嘉興苦籍伍漏匿軍民訟計積年
不清首以委緯宿食於外定條約絕請託不數月
籍成檄諸縣
視以為法

傅霖

嘉興縣志字佐時貴溪人宣德初任嘉興縣丞
督徵有法賦完為諸邑先勤於幹辦邑無廢事

陞東平知州

楊懋

嘉興縣志四川人宣德三年任魏塘巡檢地當松秀要衝有中使夜過舟重命懋括民挽舟懋

怒畱其舟將搜閱其行裝中使恐易小舟去有鹽徒販醢白晝行劫懋率兵追捕縛渠魁下獄梟市當道上其功遷主簿及嘉善分邑相土度宜其力居多

生用和

桐鄉縣志蓬萊人國子生宣德五年桐始分縣用和為令經營草昧凡衙署城郭一切所

為俱得其要領民皆樂從

聶如斌

正德嘉善縣志豐城人宣德十年為嘉善縣典史綽有能聲遇難事輒命理之無不濟者

職董水利廣築堤防常潛乘小舸察民勤惰而行勸懲未幾境內大水憲臣驗荒者意有齟齬如斌

即自投田間水深沒頂憲臣動容民得免稅又以
北鄉田久荒民苦賠輸為之區畫督民高其岸塍
以備水患
民皆賴之

黃懋

分省人物考字子勉元氏人永樂乙未進士累
官嘉興知府力除宿弊盜息賦均尤篤意學政

好賢樂善有古循良風後遷福建左布政使舊浙
江通志正統中知嘉興築捍海堤建濟衆倉繕完
澈乍
二城

李遜

弘治嘉興府志字時敏江西南豐人由進士知
嘉善縣性機警諳達下情民不能欺秩滿將行

上官徇民之畱奏陞六品俸
仍掌縣事陞廣東廉州知府

黃憲

弘治嘉興府志萍鄉人由貢生正統十三年知
秀水縣聽訟詳明善撫字期年之間民風丕變

大年領民壯討處州寇葉宗畱死於行陣民咸惜之

汪貴

正德嘉善縣志字良貴歙縣人以進士知嘉善愛民如子汰無名之費凡數十萬錢朔望必造

學講授寒暑不廢爲人簡默短於應對不爲當道所容送部調用瀕行囊篋蕭然畱者數千人

王端

弘治海鹽縣志字宗正直隸河間人由監生正統十四年任鹽令勤慎廉平苞苴不行刑罰不

濫景泰五年朝覲還卒于途聞者莫不嘆息

田玉

桐鄉縣志字德潤四川內江人國子生正統中知桐鄉勤恤民隱時閩浙盜起軍需繁重玉寬

假獎率貧富適宜民用不匱以艱歸父老上疏乞畱服闋復任與民益覲六載陞知瑞州府

舒敬

萬厯嘉興府志字守中靖安人進士厯守嘉興能燭吏民情偽篤意教化營郡縣學課諸生以

道術燕語從容咨訪得
失忤鎮守中貴坐免

郁綸

正德崇德縣志字理之德州人由進士景泰六年任崇德時縣署廢久綸自學校壇道街巷河

渠市肆之類悉規畫繕理大盜章正等為患設方略擒之民賴以安性剛直忤當道罷去

鄧玘

萬曆嘉興府志順昌人國子生景泰中桐鄉丞有公清勤慎之操滿任如一日

李翥

天啟平湖縣志東光人成化間任平湖時周家涇併獨山海塘衝塌鹹水浸入民田翥奏乞將

在官折贖納米銀
計工修築從之

郭珙

萬曆嘉興府志字元圭閩縣人進士成化中知秀水練達吏治洞悉民隱暮夜有投金者亟捕

之不獲暴
其金於市

欽定四庫全書

卷一百五十

孟俊

桐鄉縣志字世傑咸寧人舉人成化中知桐鄉
廉明有胆畧理埽剔弊敬老恤孤威惠並著尤

加意學校召為監察御史
歷布政司叅政

譚秀

嘉靖浙江通志江西龍泉人成化中知海鹽縣
先是海塘修築役七邑民夫為陂陀形易圯秀

僱役改築植椿叠石稍殺
其外以禦潮水自此無患

梅清

萬厯嘉興府志字本潔大足人由國子生為平
湖丞催徵餘日佐其長以廣治化或權借旁郡

按獄治海隄所
至輒有茂績

徐霖

嘉興府志字用濟金谿人成化中知嘉興府
夏旱霖具題減賦中有齟齬再三申請卒得蠲

免

柳琰

萬厯嘉興府志字邦用儀真人進士弘治初守嘉興廉慎淳確政有條理後病劇僚友傷其廉

悉索琰在郡所積羨贖得銀若干請以歸之琰曰吾豈以垂盡易守哉言畢而逝郡故無志琰輯之

王緒

正德嘉善縣志字紹夫江西樂平人為嘉善學訓導嚴立教條盡心啟迪時學就傾圯緒不請

有司勸鄉之尚義者集助金建學門構庫舍梵石闌新聖賢之像飾祭祀之器營為皆有程式擢知

州忠

湯沐

分省人物考字新之江陰人弘治丙辰進士知崇德崇德政積弛至則裁決無留務廉問民間

利苦罷行之流變於人徵拜監察御史巡撫四川厯官清白歿之日家無餘財

王昊

嘉興府圖記字汝欽衡陽人進士弘治中知桐鄉除田糧詭欺之弊修舉廢墜以廉介有為見

稱召為監察御史

劉子厲

嘉興府圖記字克溫安福人進士弘治中知嘉善廉敏精悍斷獄律比銖兩重輕皆自其

手胥吏奉成案而已政雖尚嚴中實慈惠操履清白不為勢惕召為監察御史

王璽

海鹽縣圖經字仲信廬陵人進士弘治十二年知海鹽外剛內和以文章飾吏事新縣治興廟

學築海塘捍海砥方石縱橫相制尤為得法人呼為龍王廟前樣塘擢知德慶州

李廷梧

桐鄉縣志字仲陽莆田人進士弘治十三年知桐鄉遇事迎刃立解吏不能為奸脩學校

平賦役正祀典平聽斷文章政事一時稱美召為監察御史陞大理寺卿

藍郁

正德嘉善縣志字國馨鹽城人進士知嘉善操履清白愛民好士為政以厚民風俗祛民患為

急民有訟者以義言動之
不俟刑罰而自無不服

何天衢

獻徵錄字道亨世居營道之瀟川弘治丙辰進士授嘉興令縣多豪右天衢至誅悖逆戒

器訟治比族恤莞廷緩述役六載績
用丕彭拜監察御史晉工部右侍郎

洪範

嘉興府圖記字邦正金谿人進士弘治末知嘉興縣初至三月如不事事者及編差糧長呼里

書集庭中申令曰聞審此役多集人廢時日致多
嚇取人今每區只用里老人敢有妄舉里老為
代役毋貸庭中肅然皆以實舉盡日而畢里老皆
曰自耳目所聞見審此役不擾而辦者獨此令耳
終範之治吏畏民懷縣以無事
召為監察御史終提學副使

任洛

桐鄉縣志字仲伊河南鈞州人由進士正德初知桐鄉明啟公廉修舉廢墜輯桐鄉志以憂去

行李蕭然
歷都御史

王德明

嘉善縣志字宗周直隸清苑人正德進士知嘉善縣持法平允吏不能欺當道移文有不

便者默寢之尤禮貌諸生文治武備具有成畫累官山西巡撫

陳伯諒

正德崇德縣志字執之福清人由進士正德六年任崇德政尚簡嚴凡學校公署教場多

其修建措置有方民不知擾抑豪強禁健訟在任三載境內肅然擢河南道監察御史

洪異

萬厯嘉興府志字大同龍溪人由舉人正德八年知崇德盡心民力多所建力嘗鑿開長河灌

田新學校置義塚修建橋梁皆計久遠擢御史時典史李滋宜興人亦廉能稱任使異舉善政輒佐之

李錫

正德嘉善志字天祐河南登封人為嘉善主簿剛介有為正德癸酉江西桃源盜起錫應選率

民兵往禦奮勇直前斬獲盜首力窮為賊所得錫罵不絕口遂遇害事聞贈本縣知縣

陳相

嘉靖浙江通志洛陽人正德中知崇德縣為人剛果時中貴用事其黨至邑者賂遺之相獨不

為禮一切裁抑巡按廉得其狀有不畏疆禦之稱

徐盈

萬曆嘉興府志字子謙貴溪人正德時守嘉興時常熱濬白茅港當事者檄發郡丁數萬盈曰

白茅水患於吾郡差緩驅我民遠役何忍即移文助費不就徵發巡鹽御史行郡鞭撻過亭憲勒報鹽

丁里胥乘機虐民盈爭之御史曰此有例盈曰例自公作亦自公止豈國憲耶獲止又加意學校士

皆興行

李伸

萬厯嘉興府志字道甫三原人進士為監察御史出守嘉興言笑不苟對吏民不怒而威有大

豪侵官錢事覺在繫奸利益甚伸令并收其子子聞胆破有殺兄謀奪其官者不具輸狀伸一訊即

服去郡久士民頌思如一日

伍文定

萬厯嘉興府志字時泰松滋人進士正德中為嘉興府同知時流賊猖獗練兵訓士為防

禦計民以無恐後官至兵部尚書

孟津

嘉興府圖記字有涯信陽人正德中以御史左遷同知嘉興莅官清白不事矯飾官終南京大

理卿

郭田

舊浙江通志長安人正德中知嘉善堅持冰蘖人有餽遺輒峻拒每見解銀指謂左右曰此能

亡身敗家爾等母為所污時有上書
陳其過者即榜之縣門引以自責

呂湯民

海鹽縣圖經南河人正德中為海鹽丞
事母至孝為政清平卒於官歸無行資

張濂

海鹽縣圖經字景周薊州人正德中以進士知
海鹽泣政三年民歌之曰前堂無吏人後堂無

優人堂下無犯人
擢監察御史

王學孔

萬歷嘉興府志安福人進士嘉靖初守嘉興
時旱蝗相仍齋戒步禱甘雨時應歲復疫癘

乃大洗犴狴又為發粟賑饑全活甚眾聽訟從未嘗
妄撻一人至豪右有權力者毫不假借遷湖廣副
使

蕭世賢

江南通志字若愚桐城人弘治進士守嘉興
歲革羨金十餘減織造樣絹三百餘匹立三

館以造士文風蔚興監司上
其治行第一擢湖廣副使

何天啟

萬厯嘉興府志字義占江西貴溪人嘉靖十一年進士令嘉善前此訟多停寢天啟至三

日一聽剖決無留勾攝不遣吏卒民無騷擾值歲
潦力請蠲稅竟爲當道所阻乃以贖鍰抵賦由是

益得廉譽

張守約

萬厯嘉興府志字彥博華容人嘉靖中進士
知崇德縣爲政務舉大綱崇學校端習尚推

強撫疲豪右惕息興傳貽書院復樹先達諸
坊表陞大理評事去之日惟圖書數篋而已

洪遇

舊浙江通志厯城人進士嘉靖中知秀水先是
民覲輟役多析戶寄產遇令民自疏歸併賦均

而不擾歲大饑自鬻者衆不待
上聞亟發廩賑之全活者無算

曾曙

天啟平湖縣志字賜谷桂林人由舉人嘉靖甲辰除平湖令性介不妄取與別蠹除奸與民休

息歲大饑殍殍相望曙力請出粟賑之復廣設粥以食饑者會催徵甚急毅然曰吾職可罷民不可毒有逋稅者咸使歸業弗之繫民免轉徙竟以緩征罷去

張翹

海鹽縣圖經字鵠舉泰興人進士以諫武廟南巡廷杖後起海鹽令為政得大體民困征役翹

至減十之五陞湖州同知官至戶部侍郎

楊挺高

萬厯嘉興府志字叔謙山東金鄉人進士嘉靖二十八年授平湖知縣性捐介督家人紡

績種蔬自給以菜饋士夫曰不可一日不知此味排里供費一切裁省在任三年冰蘖之聲聞於遠近

趙瀛

萬厯嘉興府志三原人進士嘉靖中知嘉興府禁賭博逐娼妓疏濬城河以其土運之南湖建

烟

雨樓時田糧多則吏胥緣而爲奸乃分田地

山場爲二則賦額均平百世賴之又修郡志

陳松

舊嘉興府志青州人嘉靖中進士以御史左遷秀水令刻意爲民鋤強扶弱邑有柄臣子弟奴

隸橫甚松裁抑不
少貸遷平涼同知

陳道基

萬厯嘉興府志字以忠晉江人進士嘉靖二
十九年知嘉善初下車悉籍里中惡少嚴行

苛校重困辱之仍詳申請有犯必懲故事日輪里
長一人所費不貲道基酌一年公用之數通融計

派有逋負鬻妻孥以償者輒爲代補間有窮民因
迫請借公用餘銀以自活隨數給之民無負者三

年未嘗入一重
辟囹圄幾空

劉慤

萬厯嘉興府志字致卿萬安人進士嘉靖辛亥

守嘉興時值夏旱慤率僚屬拜禱赤日中不懈卒得澍雨歲大稔癸丑倭寇侵境率軍民防守每寇至洞啟四門納郊闕男婦多所全活且身自出城激勵三軍以致大捷時撫按交集視師新置督察大臣供億百出慤殫力承事無擾於民其經營平善崇桐四城委曲調停民不知費舊額瀕海歲貢費魚以兵興特疏停免至廉介之守終始不渝

王應顯

萬厯秀水縣志漳浦人進士嘉靖二十九年

知秀水攻苦茹淡時倭寇患亟應顯與郡守劉慤合謀守禦日給糧餉治器械撫循士卒夜巡行城壘無頃刻息肩士女避寇從田間來以萬計監司令錄女牆緦入母啟門應顯泣曰民衆緦者寡賊猝至盡捐鋒鏑耳竟矯令啟之皆得入入甫畢而倭薄城無一遇害者厯官太常卿

鄭茂

萬曆嘉興府志字士元莆田人進士嘉靖三十二年知海鹽有應變之才倭寇擾境盡力守禦

克完民社擢兵科給事中

金燕

分省人物考字尚賓潛山人進士嘉靖三十三年知桐鄉始涖任倭寇圍城盛爲攻具以計禦

之城得全補禮科給事中

張師載

嘉興縣志字以道潛江人嘉靖進士知嘉興縣政務寬大會編里甲委曲調停使富貧適

均先是以海寇殺掠人情洵洵思遁師載曉以去止禍福民安如堵廉介自守行囊蕭然擢給事中

終巡撫都御史

殷廷蘭

萬曆嘉興府志廣東人嘉靖進士授嘉興理刑每聽訟詳審精密郡無冤獄會署平湖事

倭寇猝至僅隔一水時未有城廷蘭令為疑兵以却賊晝則揚兵夜則列炬舟卒市人聲應若十萬師賊駭遁百姓歡呼相賀廷蘭曰是倖也不可再以再亟申請為城以守經畫措置盡得其宜

郭東

舊嘉興府志字仁府高平人嘉靖進士知嘉興縣凡遇訐訟每為和解不事鞭朴催徵尚寬恕

亦無逋負以艱去

劉存義

天啟平湖縣志字漢樓襄陽人嘉靖癸丑進士知平湖邑受倭患尤劇始議城守存義至

旦夕負土築埧埧成而倭至雉堞屹然倭不能上悉力來攻存義擐甲援枹立矢石下倭見堅守遣酋至城下裸衣跳詈欲激戰手弓射之應弦而倒倭大驚解圍去總督胡宗憲率師數萬屯城中土漢交雜供費億計存義盡心調護卒以用間受降殲寇沈莊邑賴以全民為立報功祠

顧廷對

萬厯嘉興府志字子俞嘉靖己未進士知平

寡

以役民以田爲仇廷對創條鞭均役法總計

而

年徵之貯於官以貼役者力均而不病上官初

未

之許反覆陳利害十數條始得如請令下民若

更

生適年南海龐尚鵬來按浙以其法行各郡邑

所

在稱便

遷

御史去

何源

獻徵錄字仲深廣昌人嘉靖己未進士爲嘉興

而

去公庭寂然郭杰以鍛獄誣服沉寃十年廉知

行

奸謀殺者郭明也釋杰而罪明邑人稱神歲當

攢

造鄉官以受寄爲常忽一日五鼓遣吏取圖書

實

數即集胥吏於衙局鑰之一時不得高下其予

詭

寄之樊十去七八當道有總理鹽法者欲增課

額

源謂民方苦倭萬一鹽徒朋引禍且不測止之

年饑申請緩徵銀通查五年銀米之條抵所請之數額不虧而民自便在任二年官舍蕭然民有喫水還錢之謠內
召歷太常少卿

何址

萬歷嘉興府志字德徵進賢人守郡方嚴不假人以頻笑未無重彩食不兼味遇事侃侃以忤

權貴去畧
無愠色

蔡廷臣

萬歷嘉興府志江西人嘉靖進士任嘉興司理抗直不阿斷獄詳允時有豪右翫法置諸

理不少貸召爲御史
分守嘉湖轉觀察使

張任

萬歷嘉興府志字希尹嘉定人丁未進士爲嘉興府同知涖任時倭寇侵境軍費不貲任與郡

守劉慤協心撫字民得
安堵歷官巡撫都御史

劉邦家

分省人物考字君亮號師泉南昌人王陽明弟子嘉靖七年鄉試中式授教諭陞嘉興府

同知舊浙江通志邦家清慎端恪待民以慈而能弭盜禁奸發隱摘伏地方賴之

王宗載

萬厯嘉興府志字仲勉京山人嘉靖壬戌進士知海鹽問民疾苦省刑薄稅僉審徭役親

自撿括里胥不能爲奸溥水利農不苦旱他如修理海塘禁捕私鹽清覈軍匠查革虛名兵餉靡不精心悉慮政暇進諸士子橫經講藝多所成就云

周家

萬厯嘉興府志字濟甫安福人嘉靖進士四十二年知嘉善年少英敏剖決如流尤屬意學校

啓書院擇士有志者漸摩之厚給廩餼躬爲品題官至吏部侍郎

盧樵

嘉興縣志字木伯崑山人嘉靖進士令嘉興加意黉序延名孝廉爲生儒師日講月課寒暑無

間更捐俸置田二百七十畝給贍

黃獻可

萬厯嘉興府志字亮俞莆田人嘉靖進士知嘉興府愛民好士儒學僻處西城獻可擇治

東興聖寺址徙置之自此人文蔚起甲於他邑

喬登

天啓平湖縣志字子高延津人以吏員任平湖典史嘉靖癸丑倭寇突至登捧檄禦於邑東南

之曹家橋所將民兵猝然見敵皆望風逃竄惟登一人戰歿於陣列祀報功祠中

趙書

萬厯嘉興府志字同文桐城人歲貢嘉靖末爲平湖教諭勤課士諸生中貧者至典衣以周之

嘗作明倫十二事以訓德義之士輒稱舉以爲儀表學使者聞而褒賚即以所賚鑄鼎文廟爲銘以見志云

方揚

萬曆嘉興府志欽縣人隆慶辛未進士同知嘉興府事志行端方統統以古人自律時吏胥有

父死欲火者揚給棺以葬禁民焚屍荒歲疫興捐俸施藥署嘉善時丈田皆躬親戮刷豪右莫得肆

其奸公餘與諸生講論經學有餽遺者面斥之擢守杭郡尋卒囊無餘貲

李掾

萬曆嘉興府志豐城人嘉靖壬戌進士隆慶五年守嘉興首重學校加意窮獨均賦平役省刑

簡訟濬漕河築海塘調梧州守去士民爲立德政碑

艾鰲

萬曆嘉興府志新建人隆慶五年由舉人知崇德性甘淡泊所食蔬魚不取民間時秋霖當道

督課巫鰲曰青黃不給吾以官博民乎調知長樂

張道

萬曆嘉興府志字以中湖口人進士初令姚江著賢聲補秀水治獄不煩敲扑里中徭役輒絮

語慰勞之農氓孺婦以時入額
雖牽裾引案無愠容召拜御史

李實

萬厯嘉興府志字若虛瀘州人隆慶辛未進士
知平湖究心民隱搜剔吏蠹有神君之稱獄訟
日減諸役無所事事多散去乙亥夏海溢害稼周
視賑恤安集者數千人邑有把持稅牘積蠹其中
者洞燭之毫不得隱僉從
煩簡各以力任民咸便之

黃清

湧幢小品上饒人起吏員積官嘉興府同知築
海塘有功萬厯嘉興府志清有智畧砌石有法
又開裏河以運石鑄鐵獸
以鎮海稱一時能吏云

黃希憲

舊嘉興府志金谿人進士萬厯間知嘉興府
以清白自矢置天鑒簿登記贖鍰毫不自私
聽訟必情理相參有欺罔者按以三尺不少貸又
勤於課士爲論俗文以諷戒小民水旱步禱輒應

金和

萬厯嘉興府志字元節長洲人萬厯甲戌進士知嘉善持政績密監司下令築圩和每鄉擇巨

姓有行者董其事民不擾而功集

謝應祥

嘉興府志字安福人進士萬厯中知嘉善先是邑賦役無定貧富不均應祥乃立照田起役

法豪右不能漏稅細民不至賠累民德之厯官都御史

陳履

舊浙江通志廣東人萬厯中知崇德縣爲政務長厚鎮躁以靜養威以寬不爲苛察而政平訟

理

蔡逢時

海鹽縣圖經字應期寧國人進士知海鹽廉潔自持行均甲法以三百二十畝管一役又

革坊廟丁田役立門攤僱夫法邑咸稱平

曹光德

舊嘉興府志黃州人進士萬厯時授推官政稱清簡勵操貞白涖任三載以憂去所攜惟

圖書而已

朱邦喜

嘉興府志江西臨川人萬厯時以舉人為嘉興同知才優煩劇而性仁慈羨餘不入一錢

署平湖篆清查尺籍以除蠹弊折疑獄片言立解佐郡十載解組去囊橐蕭然

王義民

平湖縣志字若惺江陰人萬厯進士知平湖縣明無不察胥吏畏若神明徵糧僉役曲盡

規畫

朱維京

萬厯嘉興府志萬安人進士令崇德先是丈量田畝屬之平湖令截弓三寸致浮舊額五

千餘畝維京悉照舊額民大感悅逾年陞工部主事

曹代蕭

嘉興府志歸德人萬厯時知嘉興府宅心平恕禁胥吏擾民省罰鍰甦鋪行清驛傳設立

社學義倉義塚
既去民祠之

鄒東魯

萬厯嘉興府志兗州人萬厯癸巳以貢任嘉興縣丞職司國賦賦長歲有常饋纖毫不受

又捐俸賞蠶單賦者清操自堅甚
至鬻衣以供餽粥陞魯府紀善

劉士瑗

平湖縣志安福人萬厯中知平湖縣立均田法朔設歸單以杜飛詭那移之弊文廟災先

捐俸爲士紳倡不旬月告成時
有議通金山渠者以去就爭之

孫承謨

石門縣志字若冲進士知石門縣往年漕糧皆由糧長收發謂之九收一發此甲值糧長

彼九甲漠然不顧致糧長賠累無不破家承謨創立各收各發例一時便之加意學校培植士子

蕭鳴甲

天啓平湖縣志字爾先漢陽人以進士知平
湖明達不苟兩造盈庭片言心折各唯去

戊申霪雨決旬旁邑預訪富室待賑中人之產無
寧居鳴甲下令曰賑在官毋需民也一邑安堵竟

亦有秋每造士大夫問民疾苦坦衷洞達至
於事所不可即上官無以易也秩滿遷戶部

郭如川

萬厯秀水縣志字元玉富順人進士萬厯十
四年知秀水縣歲洊饑加賑恤全活以萬計

抱羸疾一日行閭巷三日卧齋閣而豪猾舞文者
亦衰息非大獄輒移鄉三老諭之問遺無所受請

託不行陞
儀部主事

朱來遠

嘉興府志字文臣廬江人進士萬厯中知秀
水縣善察民隱人莫能欺讞獄必委曲勸諭

尤加意費序治行
稱最官太常少卿

蔡時鼎

桐鄉縣志號調吾福建漳浦人萬厯甲戌進士弱冠治桐初至不露圭角吏人數欺之時

鼎廉知其槩一日將平日所欺之事一摘發合邑驚爲神擢御史

鄭振先

嘉興縣志字太初武進人萬厯進士宰嘉邑年甚少馭下嚴胥徒市魁惴惴守功令經理

賦法酌北運之宜條上四款一曰議改派二曰議抵給三曰議供應四曰應指解皆曲中事竊民困

以蘇建常平二倉以備存拯時有豪民匿賦者廉得其實戍其人而沒其田以實倉贍學會大裨駕

小舫村落問民疾苦發滯穀萬斛民得更生更設仁丈書院置義田以興起斯文爲已任

王臨亨

海鹽縣圖經字止之崑山人進士萬厯二十年知海鹽縣遇事精敏察獄不越宿縣城久

圮加築高廣海警無恐後爲杭州太守

喬拱壁

海鹽縣圖經字穀侯上海人進士萬厯三十
六年任海鹽令時衛卒餉多冒濫悉覈之絕

其弊築捍海塘增設漕糧倉廩
吏解及梵街葺堰民多賴之

朱欽相

舊浙江通志字如容臨川人萬厯中令平湖
時值編審剔釐飛灑花詭之弊設官圖立頑

甲卻公費永著為例修城之費舊設里甲欽相請
派入條鞭凡所興除皆務便民初欽相父邦喜爲
郡司馬再署平湖篆有善政
欽相繼之邑人為建世德祠

張問達

嘉興縣志字德孚內江人萬厯進士知嘉興
縣會江陵柄國下清畝之令問達出丈餘畝

獨多編審里甲不寄耳目於胥吏富不得規避貧
窶多息時稱神明他若興學校清義倉厝注皆有
法度以治行
最擢御史

湯齊

嘉興縣志號麗河武進人萬厯己未進士知嘉興縣清儉自砥寬贖鍰蠲羨耗平繇役釐積弊

民戴其德縣向無專志齊纂修之仕至太僕卿

羅尚忠

平湖縣志字孝可青陽人萬厯癸丑進士令平湖為政清簡執法不撓北白南糧陋規洗

刷殆盡捐俸立義田置義塚以艱去後擢給事中

何杲

海鹽縣圖經字白夫懷寧人進士萬厯四十一年任海鹽初政尚嚴後濟以寬故民畏而見德

縣市肆有門攤商稅報派多尖均杲核而差等之困大蘇行鹽票多至六千滯正引且累肩挑賠賾

杲請減票二千鹽課以足擢監察御史

陳熙昌

嘉興府志字景菴南海人萬厯丙辰進士令平湖在任六載未嘗妄撻一人或干法紀輒

霽顏諭之捐羨金貸贖鍰寬徭賦減貼役編審最稱弊穀熙昌先清官戶實田照例優免以溢額者充役不及額而取寄莊以漁利者盡數還民役田遂溢四萬二千有奇歲歉穀貴平糶賑卹擢給事中

顧雲程

嘉興縣志字襟宇常熟人萬厯進士初任淳安調嘉興歲大稔穀賤不售舊例徵賦以十

月始雲程緩至歲盡不徵部使者怪之正月朔雲程集耆老而問曰穀價視冬時幾何曰益一鍰矣曰若是趣完賦耆老曰諾五日而入四萬金旦日上之部使者大驚推治行第一

樊維城

舊浙江通志字亢宗黃岡人萬厯中知海鹽徵賦令民自行投櫃省漕兌贈耗數千百石

修海鹽圖經

康元穗

西江志字曰穎安福人萬厯進士爲嘉興令其俗不能葬者多棄棺郊外元穗至即置漏

澤園瘞之汰運糧浮額報最陞南禮部主事

林先春

嘉善縣志字捐菴福建閩縣人天啓進士任嘉善風采凝然魏忠節斃詔獄追鍰力爲幹

旋恤死庇生恩施至渥愛士尤薦

顧國寶

平湖縣志字元善南通州人天啓進士性剛介政主愛人而務必行其法漕規久弛力裁

額外加耗又酌收兌永制軍民帖然

文德翼

嘉興府志九江人崇禎進士爲嘉興推官察吏精明長於折獄作興士類著述甚多

李陳玉

嘉善縣志字謙菴江西吉水人崇禎進士任嘉善知縣甫下車漕兌紛呶旗弁勒索加橫

陳玉執持甚力得復舊規撫字催科俱有良法動
中利弊覽邑形勝購地築鶴湖書院建鶴鳴樓於

縣治後陞
監察御史

吳春枝

陶嘉祉

嘉興府志春枝字元芎宜興人崇
禎丁丑進士令平湖才敏而機警

徵輸有法歲僅加意賑恤全活無算署海鹽嘉善
篆俱有惠政嘉祉武進人崇禎甲戌進士知平湖
縣事一月卒有
異政民並稱之

鄭瑄

舊嘉興府志字鴻達崇禎進士知嘉興府政務
簡靜聽訟必折以理不少假借革除利弊興起

文教修郡學建弘文館又濬城河築官塘
以便往來遷寧紹副使累擢大理寺卿

張鳳翥

嘉興縣志字澹存宿松人崇禎辛未進士知
嘉興縣初拒事簡靜無為或易視之不一月發

弊懲奸吏皆畏懾民苦役久值編審始行均田法
至今倣行興學校勤月課造就諸生以憂去後爲
道荆西

國朝

史載

舊浙江通志字筆公蘭陽人進士順治十二年
知嘉興府每鞠盜得實立斃杖下由是盜靖民

安性廉介餽
遣一切屏却

尹從王

嘉興府志字含美山東人進士順治乙未任
嘉興府執法清嚴一時豪右避跡立漕糧交

兌法軍民不相
見至今遵行之

鄭金

殉難冊順天大興人任嘉協中軍守備順治十
七年會勦石門賊力戰陣亡事

聞
賜卹廕一拖沙喇哈番世襲

李見龍

舊浙江通志字德中蒙陰人進士康熙七年知秀水縣布衣蔬食刻苦自勵賦役驛遞皆

有條理絕不累民行取給事中

莫大勲

嘉興縣志字魯巖宜興人順治辛丑進士康熙八年知嘉善御下不假顏色胥吏皆股栗

退聽撫民寬和待士有禮大造清丈平役均賦實行官收官兌法上官嘉之頒行通省以爲式在任七載清介之守始終不易舉卓異不能治裝士民感恩輸助父老扶節扳卧三十里臨別酒泣猶惓惓以虛糧未盡去蕩糧未盡清三歎息焉考選擢給事中

張素仁

名宦葛祀冊遼東人康熙九年以廕生知海鹽縣催科力行滾單不假敲朴漕糧耗贈盡

革陋規嚴絕假命以安善良實心造士以
興文教修築海塘發粟賑饑士民尸祝之

季舜有

嘉興府志字闕山揚州人監生康熙戊午任
嘉興府同知發奸摘伏積弊盡革所決疑獄

甚夥郡人
奉爲神明

樊咸修

嘉興府志字慈東陝西三原人進士康熙戊
辰知嘉興縣寬猛得宜民情帖服邑有豪惡

剪除不遺遇窮民則加意撫恤
之斷獄如神以才能擢給事中

浙江通志卷一百五十

欽定四庫全書

浙江通志卷一百五十一

名宦

六

湖州府

晉

顧祕晉書顧衆傳衆父祕有文武才幹曾蒞吳興萬
歷湖州府志太安二年爲吳興太守時李辰起

兵江夏祕與南平內史王矩前秀才周玘倡
義傳檄州郡以討之賊黨悉降一郡以平

周玘晉書本傳字宣佩義興陽羨人元帝初鎮江左
以玘爲倉曹屬玘三定江南帝嘉其勲以玘行

建威將軍吳興太守封烏程縣侯吳興喪亂之後百姓饑饉玘甚有威惠百姓敬愛之暮年之間境

內寧

謚

陸納

太平御覽字祖言吳郡吳人爲吳興太守至郡不受俸祿頃之徵拜左民尚書領州大中正將

應召外白宜裝幾船納曰私奴裝糧食來無所復須也臨發止有襪被而已其餘並封以還官

陶回

晉書本傳丹陽人司徒王導引爲從事中郎遷司馬蘓峻之役以功封康樂伯遷吳興太守時

人饑穀貴三吳尤甚詔欲聽相鬻賣以拯一時之急回上疏曰天下不普荒儉惟獨東土穀價偏貴

便相鬻賣聲必遠流不如開倉廩以賑之乃不待報輒便開倉及割府郡軍資數萬斛米以救乏絕

由是一境獲全既而下詔并勅會稽吳郡依回賑恤二郡賴之徵拜領軍將軍加散騎常侍咸和二

年從護軍將軍
常侍謚曰成

王

蘊晉書本傳字叔仁爲吳興太守郡荒民饑輒開倉贍恤主簿執諫云宜先列表上待報蘊曰今

百姓嗷然若求上須報何以救將死之命乎專輒之愆罪在太守且行仁義而敗無所恨也於是大

賑貸之賴蘊全者十七八朝廷以違科免官士民詣闕訟之左遷晉陵太守

朱序

晉書本傳字次倫義陽人世爲名將興寧末以功封襄平子太和中遷兗州刺史時長城人錢

弘聚黨百餘人藏匿原鄉山以序爲中軍司馬吳興太守至郡討擒之

謝邈

晉書本傳字茂度父鐵永嘉太守邈性剛鯁無所屈撓累遷侍中後爲吳興太守孫恩之亂爲

賊吳桀郗驃等所執逼令北面邈厲聲曰我不得罪天子何北面之有遂害之

殷康

嘉靖湖州府志爲吳興太守嘗開城南荻塘溉田千餘頃至今利之

南北朝

袁湛

宋書本傳字士深陳郡陽夏人高祖時以從征功封晉寧縣五等男出爲吳興太守蒞政和理

爲吏民所稱太祖即位贈侍中左光祿大夫開府儀同三司諡曰敬公

朱齡石

南史本傳字伯兒沛人武帝以爲建武參軍遷武康令縣人姚係祖專爲劫郡縣畏不能

討齡石至縣僞與厚召爲參軍係祖恃強乃出應召齡石斬之掩其家悉殺其兄弟由是一郡得清

以平蜀功封豐城侯

向靖

宋書本傳字奉仁小字彌河內山陽人名與高祖祖諱同改稱小字義熙三年以平京城功封

山陽縣五等侯高祖西伐司馬休之以彌爲吳興太守彌治身儉約不營室宇無園田商貨之業時

之人稱

謝述

宋書謝景仁傳景仁弟述字景先太祖時除吳郡太守以疾不之官病差補吳興太守在郡清

省爲吏民所懷

王偉之

崇禎烏程縣志爲烏程令廉介特甚書籍之外家無長物

郝顥

吳興掌故泰始中爲吳興太守時孝子錢延慶爲父報讐殺人自繫於獄顥表於朝詔不加罪

張岱

南史本傳字景山吳人遷山陰令職事閑理泰始末爲吳興太守累遷吏部尚書出爲吳郡太

守武帝即位復爲吳興太守岱晚節在吳興更以寬恕著名

何敬叔

吳興掌故爲長城令平居以廉稱忽榜受餉得米二千斛他物稱是人多譏之有頃悉以

貸貧民輸負租斗米尺帛皆不畱

李安人

南史本傳蘭陵承人元徽初除司州刺史領義陽太守武帝即位爲丹陽尹遷尚書左僕射

屢上表以年疾求退爲吳興太守於家載米往郡時服其清卒諡肅侯

張瓌

南史本傳吳郡吳人字祖逸齊建元元年封平都侯出爲吳興太守瓌以既有國秩不取郡奉

高帝勅上庫別藏其奉以表其清武帝即位徵拜左戶尚書加右軍將軍天監元年拜給事中右光

祿大夫有子十人率知名

徐孝嗣

南齊書本傳字始昌東海郟人八歲襲爵枝江縣侯尚康樂公主拜駙馬都尉建元初爲

晉陵太守尚書令王儉曰徐孝嗣必爲宰相轉充御史中丞出爲吳興太守儉贈詩曰方軌叔茂追清彥輔柔亦不如剛亦不吐時人以比蔡子尼之行狀在郡有能名明帝即位進爵爲公轉尚書令

領本州

中正

謝瀾

南齊書本傳字義潔陳郡陽夏人世祖爲中軍引爲記室齊臺建遷太子中書舍人建元初以

母老須養出爲安成內史遷司徒左長史出爲吳興太守在郡稱爲美績永泰元年轉散騎常侍太

子詹事
諡簡子

袁昂

南史本傳字千里陳郡陽夏人雍州刺史顓之子仕齊爲王儉鎮軍府功曹史後爲吳興太守

永元末梁武帝起兵州郡望風皆降昂獨拒境帝手書喻之昂答曰三吳內地非用兵之所況以偏

隅一郡何能爲役雖欲獻心不增大軍之勇置其
愚然寧沮衆帥之威竊以一殄微施尚復投殞况
食人之祿而頓忘一旦非唯物議不可亦恐明公
鄙之時帝使豫州刺史李元履巡撫東土勅元履
曰袁昂道元素之門世有忠節天下須共容之勿以
兵威陵辱元履至宣旨昂亦不請降天監二年爲
侍中遷吏部尚書

范岫

梁書本傳字懋賓濟陽考城人早孤以孝聞與
吳興沈約俱爲蔡興宗所禮興宗爲安西將軍

引爲主簿遷還臨海長城二縣令永明中以岫兼淮
陰長史遷尚書左丞梁天監九年遷金紫光祿大
夫岫居官恒以廉潔著稱爲長城令時
有梓材巾箱至數十年經費不改易

謝覽

南史本傳字景滌選尚齊錢唐公主拜駙馬都
尉天監元年爲中書侍郎後拜吏部尚書出爲

吳興太守中書舍人黃睦之家居烏程子弟專橫
前太守皆折節事之覽未到郡睦之弟迎覽覽逐
去其船杖吏爲通者自是睦之家杜門不出郡境
多劫爲東道患覽下車肅然初齊明帝及覽父諡
東海徐孝嗣並爲吳興號名守
覽皆過之卒於官贈中書令

庾沙彌

梁書本傳潁川郡陵人晉司空冰六世孫母
劉氏亡晝夜號慟所坐薦淚霑爲爛高祖嘉

之補欽令復丁所生母憂還濟江中流遇風舫
將覆沒沙彌抱樞號哭俄而風靜蓋孝感所致累
遷寧遠錄事參軍轉
司馬出爲長城令

柳惲

南史本傳字文暢河東解人少有志行好學善
尺牘竟陵王子良引爲法曹行參軍太子洗馬

梁天監元年除長史兼侍中歷吳興太守爲政清
靜人吏懷之於郡感疾自陳解任父老千餘人拜

表陳情事未施行卒吳興掌故憚重
浚青塘後人思其德政易名柳塘

何遠

除册府元龜字義方東海郟人為武康令厲廉節

諸縣威供帳以待轉至武康遠獨設糗水而已彬
去遠送至境進斗酒隻鵝為別彬戲曰卿禮有過

陸納將不為古人所笑乎高祖聞其能擢為宣城
太守遷新興內史天監十六年詔曰何遠前在武
康已著廉平復蒞二邦彌盡清白政先治道惠留
民愛雖古良二千石無以過也宜升內榮以顯外

績可給事
黃門侍郎

張稷

南史本傳字公喬吳郡吳人璵弟也齊永明中
為剡令山賊唐寓之作亂率厲部人保全縣境

梁臺建為散騎常侍中書令累遷尚書左僕射出
為青兗二州刺史稷性明烈善與人交厯官無畜

聚俸祿皆頒之親故家無餘財為吳興太守下車存問遺老引其子孫置之右職政稱寬恕

蔡樽

南史本傳字景節濟陽考城人少方雅退默與兄寅俱知名梁臺建為侍中遷臨海太守復為

侍中吳興太守不飲郡井齋前自種白苧紫茄以為常餌詔褒其清天監九年宣城郡吏吳承伯挾祇道聚眾攻宣城轉冠軍吳興太守命眾出戰斬承伯餘黨悉平累遷吏部尚書諡曰康子

蕭琛

梁書本傳字彥瑜蘭陵人起家齊太學博士時王儉當朝琛年少未為所識儉宴於東遊苑乃

著虎皮靴策桃枝杖直造儉坐儉與語大悅舉為南徐州秀才累遷司徒記室天監九年出為東陽太守遷吳興太守郡有項羽廟土民名為憤王甚有靈驗遂於郡廳事安施牀幕為神座公私請禱前後二千石皆於廳拜祀而避居他室琛至徙神還廟處之不疑又禁殺牛解祀以脯代肉琛頻蒞

大郎不治產業普通
元年徵爲宗正卿

張纘吳興掌故字伯纘范陽方城人大通中爲吳興
太守治郡省煩苛務清靜民吏使之徵爲吏部

尚書

夏侯亶

册府元龜字世龍車騎將軍詳長子天監十
七年爲吳興太守有惠政吏民圖其像立

碑頌焉

張嶠

梁書本傳字四山吳人稷之子起家祕書郎中
大同元年徵爲太府卿俄遷吳興太守侯景圍

京城嶠遣弟伊率郡兵赴援沈浚勸嶠舉義於是
收集士卒繕築城壘賊行臺劉神茂攻破義興遣
使說嶠斬其使侯景遣其中軍侯子鑒帥精兵
二萬人助神茂以擊嶠嶠爲神茂所敗乃釋戎服

坐廳事賊臨之以刃終不為屈遇害追贈侍中中衛將軍開府儀同三司諡曰忠貞

殷不佞

南史殷不害傳不佞不害弟字季卿居父喪以至孝稱好讀書尤長吏術梁承聖初為武

康令時兵荒饑饉百姓流移不佞循撫招集襁負至者以千數陳宣帝即位為始興王諮議參軍後

兼尚書左丞加通直散騎常侍

到仲舉

南史本傳彭城人字德言立身耿正仕梁為長城令政號廉平陳文帝為吳興太守以仲

舉為郎丞與潁川庾持俱為帝賓客嗣位授侍中叅掌選事

唐

韋承慶

弘治湖州府志字延休鄭州人儀鳳中由太子諭善出為烏程令政化流行民為刻石頌

德號韋公
德政碑

李適之

唐書本傳恒山愍王孫始名昌天寶元年代牛仙客爲左相封清和郡公萬厯湖州府志

開元初爲湖州別駕儒雅清曠決獄無滯喜賓客飲酒至斗餘不亂今峴山有李相石蹲相傳適之

所鑿
云

獨孤及

嘉靖浙江通志字至之河南洛陽人天寶末以道舉高第爲武康令嘗作亭於山後人思

其澤因名其
山曰獨孤山

崔孚

吳興掌故博陵人天寶末由越州餘姚令改湖州長城令長城之理又加於前政成秩滿解印

罷
去

慶澄

明一統志廣德初以左兵曹叅軍兼武康德清二縣令邑經兵燹澄於瓦礫荆棘之場創置宇

舍城郭未及期年悉復其舊越歲繁庶過半

李晤

白居易李晤家廟碑趙郡人歷烏程令爲人篤於家行飾以吏事動有常德居無惰容所蒞之

邑有善政辭滿之日多遺愛

李清

嘉靖湖州府志爲烏程令二歲墾廢田復流傭肅胥吏崇本興行政績可稱

于頔

舊唐書本傳字允元河南人以蔭補千牛遷司門員外郎兼侍御史出爲湖州刺史行縣至長

城方山其下有水曰西湖南朝疏鑿溉田三千頃久埋廢頔命設堤塘以復之歲獲秣稻蒲魚之利人賴以濟州境陸地褊狹其送終者往往不掩其棺槨頔葬骨凡十餘所累遷至左僕射平章事

封燕
國公

辛祕

唐書本傳系出隴西貞元中擢明經第憲宗初

睦四刺史咸戰敗或拘脅獨祕以儒者賊易之未

及至祕召牙將邱知二夜開城收壯士得數百逆

任將帥進拜昭義軍節度使贈尚書左僕射諡曰

懿

西吳里語元和二年祕造橋在

郡城及去任百姓懷之名曰辛橋

范傳正

唐書本傳字西老鄧州順陽人父倫有當世

名傳正舉進士宏辭皆高第授集賢殿校書

郎歷湖州刺史有

殊政改光祿卿

權達

嘉靖湖州府志字逢吉元和中為長興令縣西

南有西湖可溉田三千餘頃舊引方山水注之

為大姓所堰莫敢誰何逢吉
決堰仍引泉溉田邑民賴焉

令狐絢

唐書本傳字子直舉進士擢左補闕右司郎
中出為湖州刺史大中初宰相白敏中薦曰

宰相器也召為考功郎中知制誥僖宗初拜鳳翔
節度使就加同平章事湖州府志在郡有惠政

杜牧

唐書本傳字牧之京兆萬年人第進士復舉賢
良方正累遷膳部員外郎歷黃池睦三州刺史

入為吏部復乞為湖州刺史以考功郎中遷中書
舍人嘉靖湖州府志大中間為州刺史有惠政嘗

建碧
瀾堂

宋

刁行

宋史本傳字元賓昇州人金陵平從煜歸太祖
授太常寺太祝太平興國初知睦州桐廬縣會

詔羣臣言事行上諫刑書謂淫刑酷法非律文所載者望詔天下悉禁止之再遷殿中丞通判湖州上疏請定天下酒稅額修郡縣城隍條約牧宰除兩浙丁身錢禁汴水流屍凡五事俄知婺州真宗即位遷比部員外郎預修冊府元龜書成授兵部尚書郎中

戴融

明一統志天聖中知歸安縣未暮大治先是邑人困於茶賦融乃第戶豐乏而均之以絕追捕

之苦又澤居者不務力穡融教之業農遂有恒產民立祠祀之

謹按舊志作戴顯未詳孰是

胡瑗

宋史本傳字翼之泰州海陵人景祐初范仲淹薦瑗授試祕書省校書郎以保寧節度推官教

授湖州瑗教人有法科條纖悉備具以身先之雖盛暑必公服坐堂上嚴師弟子之禮視諸生如子

弟諸生亦信愛如其父兄從之游者常數百人慶
厯中興太學下湖州取其法著為令皇祐中授光
祿寺丞國子監直講瑗既居太學其徒益衆禮部
所得士瑗弟子十常居四五隨材高下喜自修飾
衣服容止往往相類人遇之雖不識
皆知瑗弟子也以太常博士致仕

滕宗諒

宋史本傳字子京河南人與范仲淹同舉進士仲淹稱其材以泰州軍事推官召試學士

院改大理寺丞遷殿中丞降尚書刑部員外郎久之通判江寧徙知湖州倜儻自任所蒞州喜建學而湖州最盛學者傾江淮間湖州府志知湖州始至問民疾苦考視風俗屬意學校勸新學舍風俗厚寢

林槩

弘治湖州府志字希聲閩人寶元中為長興令時邑人未知學槩開庠舍選生徒躬自訓誨日

出視政日昃詣學由是邑人登第者接踵長興縣志歲大饑富人閉糴以要價槩出俸粟庭下誘土豪糴米千石以飼饑者官至集賢校理

馬尋

嘉靖浙江通志鄆州須城人歷兩浙轉運使知湖州州饑人或羣入富家掠困粟獄吏鞠為強

盜尋曰此脫死耳情與強盜異奏得減死論著為例終司農卿

許遵

東都事畧字仲塗泗州人舉進士為錢塘尉擢大理寺詳斷官知長興縣會縣有水災民多流

徙遵募民出米賑濟終以無患益興水利溉田甚博邑人載其便利刻於碑熙寧間知壽州再判大

理寺知潤州提舉崇福宮致仕

張田

西吳里語字公載澶淵人嘉祐中以屯田員外郎知湖州性剛直吏民畏服創軍資甲仗庫又

重建都酒務永寧倉駱駝儀鳳二橋開子城東西
二門公私為便立顏魯公祠籍吳興登第者題名
於學在任二
年移知廬州

孫覺

東都事畧字莘老高郵人進士第神宗即位
除直集賢院通判越州徙知通州召還修起居

注青苗法行覺論其非黜知廣德軍徙湖州沿江
隄為民患覺易以石高一尋有奇長百餘里隄下
悉為良田改右司諫哲
宗即位拜御史中丞

孫載

中吳紀開字積中崑山人治平三年進士初為
河中府尹戶曹遷知德清縣聽斷精明不專任

刑罰開說是非出於至誠訟有累年不決者聞載
一言即感悟去熙寧八年杭秀湖三郡饑載諭富
室倍糴至明年平其價出糴全活者不可
數計仕終朝請大夫知亳州提舉洞霄宮

文同

宋史新編字與可梓潼人以學名世操韵高潔自號笑笑先生善詩文篆隸行草飛白又善畫

竹第進士遷太常博士集賢校理厯知湖州萬厯湖州府志在任多善政世稱文湖州

工穀

嘉靖湖州府志山東人政和初知德清縣德清山間產茶最盛穀令民盡伐去以爲茶株可復栽若租額一立貽累甚大其後德清茶值果從輕減金鵝山下有蕩產鵝極佳歲取以貢爲民病穀

亦論止之

陳吉老

萬厯湖州府志字子州京口人宣和中任長興縣時清溪方臘作亂陷及杭州縣邑之民

亦有竊應者吉老整卒伍禦之民賴以安

張燾

宋史本傳字子公饒之德興人宣和八年進士建炎初通判湖州明受之變賊矯詔俾燾撫諭

江浙燾不受以資政
殿學士致仕謚忠定

葛勝仲

宋史本傳字魯卿丹陽人紹聖四年進士調
杭州司理叅軍試學官及詞科俱第一除國

子祭酒尋知汝州改湖州建炎中復知湖州時羣
盜縱橫聲搖諸郡勝仲修城郭作戰艦閱士卒賊
知有備引去歲大饑發官廩賑
之民賴以濟紹興元年丐祠歸

趙子嶙

嘉靖浙江通志建炎初知湖州時金人南侵
子嶙親率將士禦敵人皆感勵死守事甫定

罷去民攀戀涕泣御
史達於上詔還郡

汪藻

宋史本傳字彥章饒州德興人中進士第調婺
州觀察推官遷著作佐郎紹興二年除龍圖閣

直學士知湖州以顏真卿盡忠唐室嘗守是邦乞
表章之詔賜廟忠烈又言古者有國必有史今踰

二十年無日歷何以示來世乞即臣所領州許臣訪尋故家文書纂集元符庚辰以來詔旨為日歷之備制可八年上所修書凡六百六十五卷陞顯謨閣學士尋知徽州徙宣州卒贈端明殿學士湖州府志藻知湖州多著政績民懷其惠

陳之茂西吳里語紹興間知湖州凡有徭役未嘗遣吏但揭片紙於譙門之下雖外縣鎮莫敢違慢時金人入寇修城郭治器械聚糧食東南士人多挈家依之

王炎江南通志字晦叔婺源人登乙科知湖州不畏強禦第貴介有撓政者炎註於牘曰汝為天

子親亂天子法災為天子臣正天子法人誦之

顏度臨海縣志字魯子乾道元年知臨海有異政嘗祈晴於靈康廟見寢殿右階下水津津溢地面

穴之得泉命曰康濟泉後改長興
令聽訟哀矜得情人稱神明云

趙藻

嘉靖湖州府志字伯遠淳熙間爲長興令邑蝗
令民搜捕至三百餘石又大旱河竭穀價騰踊

出穀減值民不病饑又增
學租設鄉校造就良多

程九萬

武康縣志九華人淳熙間爲永康令下車首
訪儒術設施有度豪右奸宄悉繩以法境內

肅然秩滿去邑人
舉餞閭巷為室

孟浩

萬厯江西通志字養直宜春人乾道進士國子
監丞出知湖州捐廉不妄取與強毅精敏洞見

事情與貴
倖忤罷歸

楊長孺

吳興掌故嘉定間守湖州彈
壓豪貴牧養小民治聲赫然

張忠恕

宋史本傳字行父浚之孫嘉定五年遷太府丞出知湖州寶慶初詔求直言忠恕陳八事

疏入朝紳傳誦魏了翁嘗許忠恕拳拳體國似浚撥繁劇劇似其父杓於欽華就實則有志義理之

學嘗有聞乎
拭之教矣

趙良淳

宋史本傳字景程居饒之餘干咸淳末知安吉州先是知州李庚適百事隳廢良淳至日

與僚吏論所以守禦之備悉舉行之時歲饑民相聚為盜所在蠶起或請以兵擊之良淳曰民豈樂為盜哉時艱歲早故相率剽掠苟活耳以義論之衆皆投兵散歸其不歸者衆縛以獻有掠人貨財詣其主謝過而還之者良淳勸當人出衆賑之其言懇懇足以勸人皆倒困以應之元兵至軍其東西門良淳率衆守城夜就爰舍陴上不歸先是朝廷遣將吳國定戍安吉已而國定開南門納外兵

良淳閉閣自經兵士解救之復蘓衆羅拜泣曰侍郎何自苦逃之猶可求生良淳叱曰我豈逃生者耶衆猶環守不去良淳大呼曰爾輩欲為亂耶衆涕泣出復投繯而死

元

史樞

元史本傳字子明至元十二年以萬戶從丞相

巴延伐宋宋平署安吉州安撫使時新附之民所在依險阻自保樞以威信招懷之復業爲民者以千萬計拜中奉大夫山東東西道宣慰使

楊景行

元史本傳字賢可吉安太和州人登延祐二年進士授湖州路歸安縣尹奉行省命理荒

田租民無欺弊所歷州縣皆有惠政民立石頌之以翰林待制朝散大夫致仕

干文傳

元史本傳字壽道平江人登延祐二年乙科授同知昌國州事遷烏程縣尹長於治劇所

至有善政其始至昌國即能柔之以恩信於是海島之民雖頑獷不易治至有剽掠海中者亦爲之變俗鹽場官方倚轉運司勢虐使州民文傳亟爲陳理上官莫能奪民賴以免其在烏程有富民張甲之妻王無子張納一妾於外生子未晬王誘妾以兒來尋逐妾殺兒焚之文傳聞而發其事得死兒餘骨王厚賄妾之父買鄰家兒爲妾所生兒初不死文傳令妾抱兒乳之兒啼不就乳妾之父母吐實乃呼鄰婦至兒見之躍入其懷乳之即飲王遂伏辜治行爲諸州縣最韓鏞時僉浙西廉訪司事作烏程誼以紀其績至正三年擢集賢待制以嘉議大夫禮部尚書致仕

曹宗輔

嘉靖湖州府志至順中尹德清數載仁惠之澤入於民心有所告戒揭之縣門民自不犯

魏信

弘治湖州府志爲歸安尹終日端坐人莫敢干以私嘗定浙西坊里之役貧富均一

沈拱辰

嘉靖安吉州志字國祥蘓州人至元丁丑尹

迹後爲浙
西憲使

宋文懿

嘉靖浙江通志字德淵真定人至元中爲烏程縣丞建學校以崇文教又築清塘堤甚有

政聲

韓約

楊維禎韓約去思碑字彥禮真定人歷知長興州俗好盤遊大家喜氣勢多訐爭約盡刮去舊

時積蠹邑役素不均約下令產漏資匿者許若干日自陳即不陳許人檢沒不三月得列簿帳役無不平白烏鄉周福斫死其兄而誣訴他人約得其情出他冤反坐下箬寺僧爲仇人誣奸吏右仇相爲根株下僧獄幾死約仲其枉民大悅服秩滿相率涕泣遮馬首於東門

呼嚕固岱

弘治湖州府志至正中爲長興達嚕
嚕齊新學校敦尚禮法政有惠澤

仇治

明一統志爲德清尹獄訟幽枉必雪囹圄
一空冗濫之弊悉革門無私謁上下肅然

郭布延

弘治湖州府志膠西人至正中爲歸安
主簿有美政及代百姓爲立去思碑

塔爾楚

嘉靖安吉州志爲達嚕嚕齊至正壬辰寇
犯境率民兵守獨松關遇賊不屈而死

危止

崇禎烏程縣志字公定江西人至正丙午知烏
程縣公勤施政仁愛治民洪武二年卒官祀名

官

明

蘇從善

嘉靖湖州府志字晉卿當塗人知長興州內
屯重戍外抗強敵闢田野集戶口漸至生息

爲人所難

楚岳

爲弘治湖州府志襄陽人洪武初知府恩威並著百姓感化

張居敬

武康縣志字大欽保定人洪武元年知武康公正廉平吏民畏服學校壇宇靡不修治

張桂

安吉州志沙河人洪武三年知安吉廉介不苟所得俸祿悉以養親自奉惟蔬食而已政尚嚴

密民始畏而終愛之

陳卣

弘治湖州府志永平人爲歸安縣丞性剛直廉介門無私謁自奉甚薄布袍蔬食遇奸慝者務

抵於法邑人畏服

張士良

嘉靖安吉州志字弘遠博平人洪武五年知安吉敦尚氣節事集不擾

談士奇

弘治湖州府志長沙人洪武十年為知府作興學校恩惠及民稱為賢守

馬文敬

安吉州志四川重慶人洪武中知安吉誠心愛民築圩濬渠民賴之

何淵

弘治湖州府志字澄仕河南人洪武初知歸安廉介不受餽遺為人所嫉以事誣繫獄邑民沈

勝宗歎曰廉官受辱可坐視乎乃陳其冤願以身代遂得釋復其官

吳率正

嘉靖湖州府志金谿人洪武中知武康興學課農百廢具舉嘗被誣逮繫老人楊富七等

具政績赴部陳冤疏上命頒布天下以旌廉能

高彬

舊浙江通志洪武中任歸安縣丞以事連坐者民詣闕言彬公廉不擾民得安業釋之

陳紀

弘治湖州府志南昌人永樂間為湖州府推官性廉介厚重有威吏民不敢欺讞獄明允不假

鞭朴而知其情
郡中號爲神明

趙登

禮獻徵錄字從善河南祥符人永樂甲申進士拜
禮科給事中以言事謫宣德改元遷湖州知府

時詔天下郡國修義倉以備凶歉登召區里之長
及鄉之耆民聚於庭諄切勸諭里中莫不感奮不
決旬得穀數萬石倉廩弗能容登增構若干楹選
公正耆民慎守護知出納安吉有費氏者豪橫武
斷奪人子女田園縣官莫能制登列其罪狀以聞
竟遷徙其家人口田產悉還之民郡中肅然治湖州
十有七年精
白如一日

張俊

獻徵錄字俊民江浦人授德清知縣縣積逋稅
累數萬凡十餘年不能足俊設方畧不朞年皆

辦完時使者假公事行縣以苛酷取財民不勝擾
令以下聞風多避匿俊聞其且至曰民恃我以安

我先避匿民將何恃獨治事如故使者亦聞其名
不復肆縣人賴以安民有陰伺官府動靜為奸利
者俊廉得其實奏
徙速方一邑稱快

岳璿

獻徵錄字文璿河南祥符人景泰辛未進士授
山西道監察御史天順元年以才望擢知湖州

府先師廟廢捐已俸倡修春秋丁祀樂舞久廢璿
敦延太常嫻於樂舞者董正大成之樂以肅祀事
謁胡安定墓考定侵畧而封樹之禁樵采祀璿之
所廢又捐俸為構堂六楹有裨風教雪溪上游有
伏龍橋以木為之屢修屢圯璿以石易木規制宏
偉先是湖州屬邑田賦科額不一而加耗無則吏
胥詭弊滋甚璿疏其利病於朝乞每畝正賦外加
耗一升餘悉蠲去遂著為令在任九年民懷其惠
擢山東左叅政晉
都御史巡撫遼東

師賓

嘉靖湖州府志代州人天順六年以胄監釋褐知德清縣明敏有爲歷九載訟平政理每公餘

坐梅花堂自適

劉喬

嘉靖湖州府志字述憲萬安人成化初知歸安縣政尚寬平每郊行勸農桑詢利病諄諄以禮

義教民鋤抑豪猾邑人賴之

勞鉞

弘治湖州府志字廷器九江人進士成化八年知湖州勤慎梗介政多愷悌建府學及城隍廟

工程浩繁而財力不匱嘗纂郡志

余順

分省人物考安慶衛人成化進士知安吉州創學建倉鋤強恤貧凡有便於民者奮力爲之竟

以剛直忤當道落職歸

陳景隆

德清縣志字茂之長樂人成化進士知武康調德清地當要衝景隆調度區畫識既通敏

加以持慎坦懷待物用是在官者輸誠赴訟者歸欵徵為監察御史

歐陽復

弘治湖州府志字孟亨衡州人成化間知武康以能稱境內有虎患禱於神日獵五虎民

患以除陞監察御史

王珣

萬厯湖州府志曹縣人進士成化二十年任湖州府安吉民梗化奏置孝豐縣陞河南叅政

楊達

孝豐縣志堂邑人弘治初知孝豐縣時縣治初初百務綜理皆達之功

鄭昌

安吉州志舒城人弘治二年知安吉先是安吉歲運白糧民以為苦昌為奏請除之

王良臣

嘉靖湖州府志字汝隣陳州人進士弘治七年知德清縣果確廉明訟者盈庭一言而決

崇文教表名賢興
廢舉滯百度維新

湯昭安吉州志江西永豐人弘治九年知安吉禁奸
戢惡吏不敢欺邑舊有河泊所漁課絀於漁戶

昭奏
免之

徐浚嘉靖湖州府志貴溪人進士弘治十一年知長
興勤敏精察不畏強禦重修學校迪士有方

何顥萬厯湖州府志閩縣人進士弘治十五年守湖
州時安吉孝豐僻阻頑梗令長難治奏陞安吉

爲州而以孝豐隸
焉陞浙江叅政

陳善弋陽縣志字克一弘治進士由嚴州府判陞安
吉知州性剛直有古人風不爲世俗嬖阿態大

書忠孝二字
箴行於世

呂盛

萬厯湖州府志建平人進士正德九年守湖州許之亂親詣賊壘譬曉禍福賊衆感悟環拜

撫就

方鐸

武康縣志字廷論合肥人進士正德間知武康潔已愛民政平訟簡吏民悅服

劉天和

名山藏字養和麻城人正德三年舉進士授湖州知府縣有高士天和下車禮之問所以

治湖者治最陞山西提學副使以兵部尚書乞歸贈少保諡莊襄

桂萼

萬厯湖州府志字子實安仁人進士正德十二年知武康日進諸生講說務在實踐化僧道爲

編氓者數百餘人公暇則單車適野問民疾苦守劉天和禮萼視他令有加曰公輔器也

郭治

孝豐縣志字昌修泰和人正德中以舉人知孝豐清修苦節期年之間文教聿興井邑改觀首

建學宮制禮器典籍別立定性書院集諸生以時講習其中建預備倉設立五山官渡民尤便之縣

志闕手輯成書陞任去

齊之鸞舊浙江通志桐城人由給事中左遷嘉靖初知長興扶善鋤惡遇事敢為爬剔規畫悉有

理條

劉迴舊浙江通志安東人嘉靖初知歸安縣湖民典錢穀者多侵廢迴立法剗弊後人守之

方日乾德清縣志字體道福清人進士嘉靖二年任德清縣下車即召邑中父老諮詢民隱剗別

吏弊凡廟學公宇釐然整頓時阻歎多方賑貸民得不饑縣志久缺考訂勒成一書擢御史去

萬雲鵬江南通志鹽城人正德進士嘉靖五年為湖州守勤恤利病纖毫不取後官浙廉憲清介

獨持始
終不改

戚賢

嘉靖湖州府志字秀夫全椒人進士嘉靖六年知歸安縣警敏有爲政務畢舉

廖梯

嘉靖湖州府志字雲卿莆田人進士嘉靖六年由湖廣叅議謫知安吉州爲政不近名愛民省

費清苦
自持

陶廉

嘉靖湖州府志字敬甫曲靖人進士嘉靖間知德清縣弛威布德民翕然委心嘗籍廢寺田四

百畝給諸生
楊灣塘以資灌溉

戴嘉猷

崇禎烏程縣志字猷之績溪人進士嘉靖八年知烏程豪右不得逞詭戶規避者靡縱驅

縑流歸農廩庾傾圯閱五月堅完立義塚置義田募民耕獲峙穀粟以備歲饑厚學校以興士徵爲

給事中

楊上林

嘉靖湖州府志字子漸山陽人進士嘉靖十二年知長興縣為政不規規於簿書條貫文

章器局風動一時

錢學

崇禎烏程縣志字汝明常熟人正德舉人嘉靖十二年知烏程縣勵精教養風俗還淳學校倉

庾橋梁之類百廢具舉纂修邑乘奉為文獻陞刑部主事

張烜

嘉靖湖州府志字仲熙慶遠人進士嘉靖十三年知歸安縣老成練達平易近民尤加意學校

士類傾心

趙應祥

萬厯湖州府志長沙人進士嘉靖十五年任湖州推官器宇方介剖決精明遷監察御史

章榮

歸有光章榮傳字宗肅常熟人中南京鄉試知安
吉州歲旱民饑殫力賑救多所全活其民好

訟恒以理解之有匿稅者為案籍人人閱之鞭朴
不用而逋負悉出嘗歎曰此豈古頭會法也吾以

救弊而已州所治孝豐迄榮去一無所擾其縣人至不知有州焉遷永州府同知

朱曰藩

崇禎烏程縣志字子价寶應人嘉靖甲辰進士知烏程縣政尚簡靜久之公廨前酒肆一

空至編審里役謂小民十年興廢所關日夜留心人呼真父母歷九江太守

張冕

崇禎烏程縣志字章甫晉江人嘉靖進士三十二年知烏程以孝悌先民風以節義維學校優

恤焚獨均輸戶差威督頑惡值倭亂戢築清源門甃城培土甃石加高厚親率民壯防禦倭不敢薄

城秋大旱朝夕步禱獲有秋陞桂林府同知去民立石峴山厯官叅議

李敏德萬厯湖州府志長安人進士嘉靖三十五年守湖州創築南北水關備瞭臺箭臺湖城始

固陞山
東副使

歸有光

長興縣志字熙甫崑山人嘉靖乙丑進士為長興令寬仁撫字每聽斷與民作吳語務得

其情盜依湖山間用計擒獲其誣服者釋之一重囚母喪許其歸葬如期詣獄革糧長用里甲厯官

太僕
丞

張祿

獻徵錄字子培嘉定人進士知孝豐鄣郡山地險惡故置新縣祿以德懷柔之田有不均丈量

以寬貧戶其豪相戒曰明府善政不可撓也礦賊數百人為亂祿檄止調外兵獨部署縣人捍禦賊皆散走時倭寇鈔兩浙州縣皆相效築新城樓櫓雉堞相望祿獨不肯曰縣皆山賊何以至何困吾

民為後果無事
陞駕部員外郎

丘承祖

德清縣志成都人進士嘉靖四十二年知德清大祿之後民不聊生承祖先民節省務在

裕民有梟捕假捕盜破人產者立杖斃之不受干謁所拔多積學士狷介之守三年如一日

趙煥

崇禎烏程縣志字文光掖縣人嘉靖乙丑進士知烏程縣宿吏不能舒手訟堂可羅烏雀編里

遞充糧長貧富遍均羨餘贖鍰毫
不濡染陞監察御史至吏部尚書

黃樞

西江志字翼卿南昌人嘉靖進士授嘉善知縣畱心里甲役法均平猾胥欲手邑大滌禾盡漂

請當道免冠頓首請括帑金以抵恒賦陞工部主事
知湖州府歲荒請蠲設賑不遺餘力卒於官

孫樓

獻徵錄字子虛常熟人由舉人除湖州推官為治平而不苛第問法如何不事深文鈎距慝攝

諸邑篆皆以愷悌名署郡事有瑒璉里豪爲荏苒
暴客藪里中子女有緝齒而靡曼者率爲所漁欲
斬免者必薦金資黨援甚固樓廉得罪狀
朝逮而夕成讞立格殺之未幾移漢中

栗祁

獻徵錄字子登夏津人嘉靖壬戌進士擢南京
戶部主事權稅杭州以清操自矢月俸之外魚

鹽蔬米無私毫髮隆慶辛未知湖州府下車卽與
吏民約輕徭平賦相與休息守湖三年政和役簡
民無擾焉決獄平反不喜以微文巧中至舞文之
奸又無不立發郡值水災亟謁部使蠲其十之二
三漕卒故代他衛輸十餘艘請還其籍軍困以紓
往郡多賈人權會歲致羨金若干爲筦庫費祁悉
罷之擢山西按察
副使備兵懷隆

顧其志

長興縣志長洲人隆慶辛未進士知長興百
廢具舉吏無敢有舞文者縣四安鎮界桐川

夾浦界宜興大盜負隅世為民患廉得
巨魁置諸法遂成坦途遷南昌武守

張應雷

西江志金谿人隆慶進士授湖州府推官會
大旱祈雨僚屬視為故事應雷獨齋居露處

為民步禱大雨隨之以剛方坐謫再
補楚令拂衣歸作金谿文獻考行世

李頤

西江志字惟貞餘千人隆慶進士萬厯初擢御
史清軍湖廣廣西請免土民遠戍祇充傍近衛

所軍忤張居正出為湖州知府舊浙江通志頤知
湖州才德並著葺先賢祠宇新道路橋梁百廢具
舉

曾紹芳

崇禎烏程縣志字世德永興人萬厯丁未進
士知烏程縣為政持大體戊申水荒竭力賑

濟

李際春

歸安縣志號鑒如蘄州衛人進士萬厯初知歸安有惠政歲庚戌大水民饑捐俸賑之募

商廣糴米價漸平次年大水力請改折民賴以甦陞戶部主事

史朝祿

德清縣志號直吾晉江人萬厯丁丑進士任德清洵罹水滂甘罰俸緩征輸曲爲賑恤至

辨人命之誣疏錢法之滯清丈量之奸葺治學宮不煩民力民皆頌之

羅用敬

崇禎烏程縣志字子直南昌人萬厯丁丑進士知烏程恬淡寡欲惟務拊循張江陵丈量

之役遠近騷然獨行之以寬暇則課士論文有古循吏風陞刑部主事

吳文企

湖廣通志字伯雪景陵人萬厯進士除南戶部主事權北新關減雜稅三百餘金出守寧

波丁母憂補湖州舊浙江通志文企守湖州治行清和勸農課耕其稅駕之所每繫人思

陳幼學

王鴻緒循吏傳字志行無錫人萬厯進士知湖州府甫至有施敏楊陞者人奴也豪橫不

法幼學逮治之敏賂權貴囑上官擢取執不發檄愈亟立杖殺之陞懼稍戢姑置之已當逮念已去

陞必復逞遂捕陞寘之法郡民謠曰公來如砲施敏埋窖公去如雷楊陞飛灰幼學疾惡嚴而於細

民務安全之遇孝子節婦善人悉爲旌揚郡以大治會靈雨害稼力舉荒政活民無算御史列其治

行以聞陞按察副使仍視郡事久之以副使督九江兵備

楊應聘

崇禎烏程縣志字志尹懷遠人萬厯癸未進士知烏程縣緩催徵平冤滯興隄防清田

少潛政倡教化不阿上官不假貴要里中惡政倡教化不阿上官不假貴要里中惡

袁光宇

崇禎烏程縣志字元讓常熟人萬厯丙戌進士令烏程適歲旱步禱爲民請命稍稔不忍

以誅求困民上供不及額郡檄數下守催之吏日
至不爲動主者怒其慢俸再奪處之怡然編審貧
富以均漕兌不增一粟
軍民稱平陞工部主事

鄧炳長興縣志湖廣監利人萬厯庚辰進士令長興
適遇大祲後敲朴不施當道催督如織至鐫俸

炳曰令俸可鐫瑣尾流離不忍賦也
自奉甚苦往來交際謝絕陞戶部去

金玉節長興縣志字雅初湖廣麻城人萬厯戊戌進
士知長興遇事勇於有爲禮賢下士有貧不

能婚者捐俸代之時值礦使爲邑厲玉節繩以法
陰剪其翼卒不敢肆歲當編審先是十二區以田
額豪右詭寄單寒益苦於役玉節通融均
攤謂之走區走甲裒多益寡民稱便焉

熊明遇長興縣志字良孺江西進賢人萬厯辛丑進
士知長興縣年甫二十餘簿書剖決如流在

任七年興利除害道不拾遺
幾於刑措歷官兵部尚書

陳經正

崇禎烏程縣志字敷奎晉江人萬歷進士任
烏程令修學宮興文教時有弁山開鑛之役

調停中使得事止
不行陞戶部主事

濮中玉

長興縣志字琢如舒城人萬歷丁未進士知
長興縣初蒞值大祲家履戶閔賑費無遺表

節孝起人文省船役皆其政
之最先者歷官太僕寺卿

曾國楨

崇禎烏程縣志字德符臨川人萬歷進士知
烏程縣編審善均田之法胥吏不及那移保

正不得需索衆情
允服歷太僕少卿

金九皋

江南通志武進人任武康知縣修學校嚴課
程士論歸之秋大霖雨縣苦漂溺令甲災以

七月上聞而諸司皆入闌不得達撒棘又格於例
九皋備查往年嘉興長興曾以災借運武康請於
御史責償情惻迫切言與淚俱御史
動容上請報可謝病歸著抱甕集

石有恒

長興縣志字伯常湖廣黃梅人萬厯己未進
士筮仕遂昌有能稱調繁長興性簡約持大

體徵輸以浙聽斷虛懷廉訪不遽施箠楚甲子元
旦盜吳野樵等劫庫擁入內衙遂遇害贈太僕寺
卿少

馮可賓

長興縣志字禎卿山東益州人天啓壬戌進
士授湖州推官甲子元旦盜殺長興知縣恩

民妄疑有屠勦之舉奔竄出境時無正官攝事者
寡識閉城自守民益驚恐可賓奉檄安撫傳諭六
門洞開聽民出入書榜安輯蒞縣捕治兇徒擒
獲畧盡一無株連招徠流亡旬日間熙攘如故

李化熙

舊浙江通志任湖州推官守法不撓居心寬厚治獄平允接士以禮凡所獎拔類多知名

馬思理

崇禎烏程縣甫至即與民約催科給單遞比歷各

鄉宣諭示勸懲新營宮葺橋梁纂邑乘百廢具舉海厯歲饑拮据荒政多方蠲賑日以窮民為念召

拜給事中

譚元禮

德清縣志字服膺湖廣景陵人崇禎辛未進士知德清縣省追呼簡訟牒尤喜獎拔士類

時憫南糧折銀為巨蠹所蝕申請十年帶征夏稅絹疋絲綿積欠萬餘金力請大司農得蠲免

李長清

歸安縣志字瞻麓興化人崇禎甲戌進士知歸安縣軫念賦重民貧酌轉輸之緩急完欠

之多寡而次第徵之民樂撫字不知催科之擾治奸胥懲豪右不少假修葺城垣振興學校稱吏治

第一

劉永豐

崇禎烏程縣志字宜日上海人任烏程縣丞職水利值靈湧冒雨出勘率圩長修築隨以

寓縣遂令圩岸如故陞衛幕去

李向中

長興縣志鍾祥人崇禎庚辰進士知長興縣承俗抗弊奸蠹蠅叢向中廉得渠魁斃之杖

下人皆股栗歲侵饑僅載道設法勸糴平價又煮糜以飼餓殍給廩以贍棄兒邑當編審計田均徭

改定民籍較若列眉捐俸置田歲入租以餽貧士裁客籍冒免田數後調秀水舊浙江通志向中知

秀水執法不撓禁革漕兌私贈置旗弁橫索者於法

陸自巖

江南通志字魯瞻武進人知湖州崇禎庚辰辛巳間郡水旱蝗疫相繼自巖甫下車即特

疏請蠲請糴糶米充漕復設法廣糴輸賑造粥廠施藥餌育嬰瘞骸存活不可勝計遷本省糧儲道

楊大賓

德清縣志號君山貴州人舉人任湖郡同知署德清值荒歉漕折未完者二千有奇欲行

敲朴不可而上司屢促解大賓惻然曰將征民而畱於民者無幾欲代償而存於已者空囊遂劾顯以殉當事始具題緩征

丁文炳

崇禎烏程縣志字質夫貴州平壩人以明經授烏程丞職水利適歲澇躬履阡陌求捍禦

之方一障圩岸不致水勢沖激一撒簷以令水勢易洩一禁漁船不使蕩損圩岸當道嘉其用心稱爲儒吏

國朝

劉璽

烏程縣志字爾符朝邑人順治丁亥進士任烏程令寬以字民而嚴於治盜每歲暮量賑貧士

當堂面給士民建祠於使民倉璽
工書法所著有涉江草公餘草

劉愈奇

舊浙江通志滿洲人由貢生順治十四年知湖州府勵精爲治百廢具舉獎拔名流士類

心歸

侯元斐

河南鄉賢冊字友名杞縣人順治辛丑進士知德清縣却吏胥餽金絕兌運積弊值雨

害稼
條陳利病巡撫范承謨奏行之為
註考云清比冰懸才同犀利以外艱歸

王業久

歸安縣志字枝安平涼人貢生康熙十年令歸安政尚淳簡徵收有方請於上官免民間

門攤課鈔編里均平舊規分毫不染士子蠱災業
久申請蠲折溢任二載四境安堵卒於官貧不能

殮士民醢金
為旅櫬資

羅為賡

孝豐縣志四川南充人康熙十年由舉人知孝豐縣值歲荒禁革煩苛蠲賑饑民存活甚

衆性嚴謹人不得干以私然慈惠愛民故戴之如慈母公餘集士子講明性理之學重修邑志

高必騰

烏程縣志字鳳翥奉天遼陽人廕生康熙十四年知烏程縣聽訟明允不徇干謁辛酉編

審釐剔積弊官民一則貧富均徭在局月餘魚餐脫粟悉出署中不以煩民是歲冬又以漕艘未回部議催船運糧至淮僉里押解人情驚擾力請獲免在任九年鼎新文廟纂輯邑乘擢守新寧去之

日士民遮畱
填塞街巷

潘麒生

名宦畱祀冊江南溧陽人進士康熙二十七年知湖州府性秉仁慈治尚寬簡然遇奸宄

病民者未嘗不盡法懲之覩學宮傾圯即捐資倡
修輪奐一新季試獎課士子催科有法差役無擾
一切倉廩陋規盡行革除
復畱心水利疏濬城河

浙江通志卷一百五十一

欽定四庫全書

浙江通志卷一百五十二

名宦

七

寧波府

三國吳

張舉

太平御覽字子清為句章令有婦殺夫因焚屋言燒死其弟疑特訟之舉按尸開口視無灰令

人取猪二頭殺一生一俱積薪焚之開視其口殺者無灰生者有灰乃明夫先死而後焚婦遂首服

政化流行
民歌遺澤

唐

王元緯

陸南金

唐書地理志開元中元緯令鄧縣開小江湖溉田八百頃民立祠祀

之東二十五里有西湖溉田五百頃天寶二年令陸南金開廣之

裴儼

成化四明郡志河東人大歷間自長安令來刺郡適海寇掠井邑焚蕪道骸積而不掩生民

僅有存者儼推心撫字一年而驚遁以復田疇以闢茨塾以興然後以禮義利物之教教之三年俗為鄒魯長幼各得其宜

王密

延祐四明志大歷中明州刺史有惠政李舟為碑記

李吉甫

唐書本傳趙人栖筠子字弘憲以蔭補左司禦率府倉曹參軍貞元初出為明州長史元

和二年擢中書侍郎同中書門下平章事外遷十餘年究知閭里疾苦常為帝從容言使屬郡刺史得自為政則風化可成帝然之尋為淮南節度使卒贈司空謚忠懿舊浙江通志吉甫為明州有善政

王沐

成化四明郡志緄之曾孫貞元四年刺郡興廢舉隆政治一新嘗捐俸立夫子廟落成民不告

勞

任侗

于季友

唐書地理志貞元九年侗為明州刺史增修廣德湖溉田四百頃西南四

十里有仲夏堰溉田數千頃
太和六年刺史于季友募

趙察

成化四明郡志大梁人元和十二年授奉化令鑿縣北河溉田八百頃因名趙河十四年又開

白社河澆田四百
餘頃民立祠以祀

韓察

延祐四明志京兆人混之孫長慶元年刺史易
縣治為州治撤舊城築州城功大而民不知役

費廣而用不厲民見
韓梓材所撰移城記

應彪

延祐四明志長慶三年任刺
史建浮橋跨江五十丈

宋嗣宗

寧波府簡要志字文縝南和人天祐
四年為奉化令利澤深厚民甚德之

五代

黃夷簡

十國春秋字明舉福州人為明州判官
有聲累遷檢校祕書監平江節度副使

宋

張頴

天啟慈谿縣志端拱元年為慈谿令廉潔自持邑人號為張清清太宗賜詔獎諭云令長之任

將以施異政而新吾民也爾庸茲選擇卓著強明勤以奉公廉以守道達於聽覽深所嘆嘉愈勵精

勤當俟明陟縣有清清堂以頴名也

陳充

宋史本傳字若虛益州成都人雍熙中授殿中丞出知明州澹於榮利自號中庸子

李夷庚

嘉靖寧波府志天禧中守明州精地理學以鎮明嶺為府治紫山增高數丈徙建州學以

廟合於子城東北由是賢才輩出市有花樓神郡守初至皆謁奠夷庚獨不屑一日過其市飄瓦中蓋左右曰此花樓神之靈也夷庚曰今當毀之靈其何在遂毀之浚東錢廣德二湖大興水利民立祠祀之

燕肅

宋史本傳字穆之青州益都人舉進士遷侍御史為丁謂所惡出知越州徙明州俗輕悍喜鬪

肅下令獨罪先毆者於是鬪者為息官至禮部侍郎致仕在明州為海潮圖著海潮論二篇

楊紘

宋史本傳字望之以蔭歷官知鄞縣鄞濱海惡少販魚鹽者羣居洲島或掠商人財物入海吏

不能禁紘至設方畧使識者致惡少船及歸始給還且戒諭之由是不敢為盜通判越州知筠州提點江東刑獄除轉運按察使江東饑開義倉以賑之知湖州復為江東轉運使官至太常少卿

仲訥

王安石仲訥墓誌字樸翁廣濟軍定陶人景祐元年進士權明州節度推官縣送海賊數十人

獄具矣訥獨疑而辨之數十人皆得雪三遷為尚書屯田員外郎

顧方

嘉靖寧波府志字正夫丹陽人至和四年以進士令象山下車視事日召父老詢民間利病民

有善者勸之惡者戒之建學舍率子弟之秀者教之親為講解誘掖使進於學逾年政成士民悅服

錢公輔

宋史本傳字君倚常州武進人第進士甲科通判越州知明州衙前法以三等差次勞勤

應格者聽指酒場以自補富者足欲而貧者日困充募益鮮額有不足至役鄉民破產不供費公輔

取酒場官鬻之分輕重以給役者不復調民神宗立拜天章閣待制知諫院

林旦

寧波府簡要志字士明治平初象山令通海西港築縣城修學宮正社稷壇嘗邁疾民有割股

以療之者政成作臺榭以眺覽論者謂其政化可方中年

李承之

宋史本傳字章世性嚴重有志節中進士第調明州司法參軍郡守任情飢法人莫敢忤

承之毅然力爭之守怒曰曹掾敢如是耶承之曰事始至公自為之則已既下有司則當循三尺法

守憚其義嘗建免役議王安石見而稱之熙寧初以為條例司檢詳文字字訪淮浙常平農田水利差役事還奏書二十篇加集賢校理遷龍圖閣直學士

陳太素

宋史本傳字仲華河南維氏人中進士第歷知兗州明州有治跡累官尚書兵部郎中

張懿文

寧波府志平江人熙寧六年以薦辟授昌國令縣初設政維更始蒞民一以和易下車未

久治署學官俱建役不知勞公私之厄於民者悉調停之民愛之如父母

虞大寧

明一統志熙寧中知鄞縣興水利繕治堰硤溉田五千五百餘頃

傅堯俞

宋史新編字欽之濟源人嘉祐末為監察御史轉殿中侍御史遷右司諫哲宗立知明州

嘉靖浙江通志堯俞知明州有惠政或問曰公居此何為一言不及御史時事堯俞曰前日言職也

今日為郡邑當宣朝廷美意而反沾沾追言前日之闕政與誹謗何異人皆服之

呂祉

嘉靖浙江通志字安老建州建陽人宣和初上舍釋褐建炎二年為右直言以論事忤執政通

判明州奏國家養兵仰給東南數路而已方今財用悉出民力而邑令乃近民之官令得人則一邑足守得人則一郡足漕得人則一路足諸路足則朝廷足矣官至兵部尚書值鄭瓊叛被執罵不已遂碎首折齒而死時有得祉括髮之帛歸其家者其妻吳氏持之自盡以殉聞者哀之

仇愈

宋史本傳字泰然益都人大觀三年進士為沿海制置使明守吏幸相厚善紿言士卒將為變

致遣精兵密捕統官徐文覺之初謀縱軍剽掠頃之泛海去呼曰我以仇公故不殺人不焚屋廬一城晏然遂坐削兩官主管太平觀以淮西宣撫知廬州加徽猷閣待制尋詔詣闕改浙東宣撫使知

明州以挫豪強獎善良為理吏受賕雖一錢不貸
奸猾斂迹州罹兵火愈斥厨錢助其費歲饑發官
儲損其直民無死徙朝廷聞之進秩一等再召對
帝親加褒諭進直學士為湖南安撫使再知明州
積官至左朝議大夫爵益都縣伯愈端方挺特自
初官迄通顯無所附麗在明州嘗欲薦一幕官問
曰君日費幾何對以日用二千愈驚曰吾為郡
守費不及此屬僚所費倍之安得不貪遂止

鄭耕老

葉適鄭耕老墓誌字穀叔莆南湖人中進士
第主復州懷安縣簿調温州法曹守故用常

平錢物耕老不聽忤守意欲捨去其友知旁郡固
止之教授明州學學地陋弗理耕老為講說科舉
之外更營學區取田以供
鄉飲費召為園子監主簿

楊獬

嘉靖浙江通志新喻人治興間知吉水救荒有
政累官司農少卿知明州沿海有寇獬悉擒之

海道

晏然

方崧卿

周必大方崧卿墓誌字季申興化軍人登隆興癸未進士通判明州壬寅秋旱守委三倅

分行六邑荒政崧卿主奉化象山獨無饑民定海縣鳳浦沈窖二湖久為浮屠氏擅其利民失灌溉

崧卿適被朝命一切正之紹熙二年擢廣東路提點刑獄

傅伯成

宋史本傳字景初察之孫隆興元年進士授明州教授年少嫌以師自居日與諸生論質

往復後多成才慶元初召為將作監進太府寺丞言呂祖儉不當以上書貶又言於御史朱熹大儒不可以偽學目之又言朋黨之弊起於人主好惡之偏坐是不合出知漳州嘉定二年除寶謨閣直學士加龍圖閣學士端平三年賜謚忠簡

程覃

寧波府簡要志字會元嘉定初攝守慶元府盡心水利停海錯果蘇之征循良之政不可勝紀

趙善晉

成化四明郡志嘉定間為象山令勸課農桑治先教化重修大成殿造會源碑四民樂業

海邑識禮讓之

風多晉之力也

馮多福

嘉靖寧波府志無錫人嘉定四年知奉化縣置義倉修學校請蠲夏稅治水利惠政甚多

立祠
於學

胡桀

嘉靖寧波府志寶慶初知慶元府請得米一萬五千石以浚東錢湖命水軍番上迭休且募七

鄉之食水利者助役又奏以贏錢二萬八千三百

四十七緡增置田畝以其入分漁戶人歲給六石

隨菱葑之生則難而絕其種民懷其惠

成四明志二十一卷文獻賴以有徵

陳愷

嘉靖寧波府志長樂人淳熙初以中大夫祕閣修撰知慶元府兼沿海制置副使興學造士勤

恤民隱尤盡心水利
建迴沙閘民甚利焉

章大醇

成化四明郡志以大府卿知慶元府兼制置副使淳祐十年以洵湖濬河竣事特轉朝奉

大夫後又以居官不擾海道肅謚水利興修職事振舉除集賢殿修撰

梅寬夫

嘉靖寧波府志字伯父咸淳七年進士調慈谿尉德祐初攝知縣事率義勇應文天祥至

常州戰死嘗師新安滕璘得考亭之學所著有溪堂講義刊於鄉校

元

哈喇岱

元史本傳哈魯氏初從軍攻襄樊蒙古四萬戶辟為水軍鎮撫至元十二年從丞相阿

珠與宋兵戰焦山敗之遂戍澈浦海口行省檄充沿海招討副使引兵至溫州青島門遣使諭溫州守臣家之柄以城降十四年行省檄充沿海經畧副使行元帥府事於慶元鎮守沿海上下南至福建北距許浦六月檄充沿海經畧使兼左副都元帥督造海船千艘十五年擢慶元路總管府達魯噶齊將所部軍戍海口十六年海賊賀文達顧潤等寇掠海島諭降之得舟六十餘艘授浙東宣慰使擢資德大夫雲南行省右丞皇慶元年贈榮祿大夫平章政事鞏國公諡武惠

富德庸

成化四明郡志濟南人至元二十五年宰慈谿抑豪強清狎犴民樂耕桑士興孝弟慈湖

書院山長曹漢

炎作碑頌之

察罕

成化四明郡志蒙古氏元貞二年授奉化州達魯噶齊視事初集吏民諭之曰政者正也我懼

不能正己以正人耳聞者惕然時民困重役歲課
浩繁溫辭勸勵率皆辦集其彰善雖惡修廢舉墜
不可
殫述

李天祐

蘇天爵李天祐墓碑字吉甫高唐人元貞初
調慶元路象山縣尹兼勸農事邑有豪民二

十輩表號龍虎張其聲威虐民蠹政天祐捕寘於
法邑在郡治東南海島中去郡稍遠有盜數十時
出剽掠復乘舟入海天祐選邏卒驍勇者親率入
海悉擒捕之差次邏卒勞效薦諸大府賜錢賞官
而已不自為功民有親喪久不葬者以禮勸諭或
貧不克舉者分俸助之春秋親行鄉社諭民孝弟
忠信察其勤惰而賞罰之月朔帥僚吏入學聽師
生講說經訓使知禮義廉恥而習俗亦少變焉會
有詔遣使巡行郡國覈吏廉貪同列皆坐
免獨天祐廉明著聞在官二年以疾卒

阮申之

至正四明續志池陽人字周翰泰定元年任鄭縣尹為政廉簡有法興學校增弟子員士

知自勵定版籍均義役興水利
禁約胥吏不入村落民甚便之

郭郁

至正四明續志泰定二年任明州路總管有才畧在郡正賦籍定役法措置食鹽綜理倉庫皆

有法修孔子廟飭弟子員徵
逋租搏浮費至學廩不能容

沙斯鼎

至正四明續志至順二年任明州總管秩滿除兩淮都轉運鹽使以吏部侍郎來守飲水

食藥始終一致待人寬隱惡揚善俾自遷改先有
司不急細務由是化行民安修築渠陂盜賊帖息
訟牒退縮學校興舉異時富商賦貨江浙省分遣
屬官監賦事侵牟百出思丁一再監之為設方畧
會計悉當每歲漕運米物十數萬斛莞倉庾者或
與漕戶不相謀紛然生事思丁出之如納咸服其

便夏旱秋
雨禱皆應

胡潤祖

嘉靖浙江通志廣平人元統初為慶元路推官初積囚滿獄淹至十年潤祖至朝夕審錄

不憚寒暑自
是訟無滯者

丁濟

寧波府簡要志字溉之高郵人尹奉化凡公論所在一判不復改至今人稱曰丁相公判一字

王元恭

嘉靖寧波府志字居敬真定人後至元六年為明州總管先在他郡能聲赫然郡民聞其

至老稚爭慶下車問民疾苦寬猛相濟興學校作杏壇詠歸亭飾從祀像學廩不給徵逋贍之舉行鄉飲酒禮貿地為義阡絕火化之俗作石馬道於江次以便漕運復成四明續志十二卷與延祐志並刻以傳

甯玉

寧波府簡要志至元中以萬戶鎮慶元
勇智過人民皆安堵海道晏然人稱之

何槐孫

嘉靖浙江通志至正初慶元路推官申
明科條雪冤禁暴首除姦惡吏民畏服

巴延徹爾

嘉靖寧波府志字彬卿由蒙古冒監至正
間主簿慈谿勤於奉公切於愛民嘗三督

漕運歷風濤之險事每先集歲饑勸開右
出粟平糶民無菜色鄰邑冠發掩捕有方

阿林

成化四明郡志西域人至正癸巳知奉化州下
車即汰去冗胥溢卒疏理冤滯註誤田野絕巡

捕之迹時歲游飢餓莩載道請米得報並傾官
廩以濟事有利害白大府率多聽許民賴以安

濟雅穆爾丹

成化四明郡志至正十七年進士授定海
令當方氏僭據軍卒驕橫剽掠村落謨丁

不避豪勢獲其渠魁格殺之餘衆斂跡時政賦煩
苛一以公平科辦民無重擾陞奉化州知州尋調

昌國

許原

戴良許原傳閩人投定海縣丞西北用兵未已調發無虛日且地瀕大海歲修治海舟而官直

不時降或降而為吏胥所欺隱每事第差民之中次者一二人以主其出納謂之庫子凡所費用皆令其代輸期會迫促至日受榜笞不恤也原惻然詣府請其直集里役之長分授之俾售其物次第歸之庫吏皆不得有所與僅令治文書以備稽勘縣以業海為生自民船不出海所恃以存者獨田租然民產無制里役無藝而民病原取其田分計之田多者應重差田少者稱其出而不得橫擾會慈谿闕令府檄原攝令事治慈谿如定海興利除害不一月而大治每出入月俸必負以自隨一錢之費必已出民以飲食進悉却之有私致一肉於舟者舉而投之江管屢徒涉不問道里遠近以為

常一日臺檄下憲府追原甚急比上道號泣而送者千人且慮乏行資無一人不懷金以獻同官亦割俸馳贈於道左原悉謝遣無所受曰造次顛沛見人之守縱死不易吾心也抵京事白及還以憂去

明

孔立

成化四明郡志廬州人洪武元年知象山縣事歸附之始百廢未興立至庶政遂舉是年夏蘭

秀山寇亂民甚驚駭立設計殲其渠魁餘黨悉平他若息虎患弭旱災皆其德化所感

冷麟

寧波府簡要志山東人洪武七年知鄞縣政務便民時孔立知象山有惠政民以孔冷並稱

喬鑑

成化四明郡志雲中人洪武八年為奉化縣丞贊佐有方順民之好惡葺宣明樓修進林碑建

廣濟諸橋
民皆德之

何公肅

寧波府簡要志河南人洪武十年定海知縣政尚寬平鞭扑不用民從其化

余文昇

成化四明郡志字子俊鎮江人洪武十一年知寧波府承前守唐蔚嚴峻之後更以寬恕

民翕然從化選用廉吏敦勸農桑嚴堂試興水利
咸有實效革四明驛船之間冗者以其夫戶付有
司別役每坊舊設巡警舖夫以防盜備火多以貧
乏者充而不逮富者乃驗丁編排不分役作悉令
遇夜上宿質明則從便舊例民輸稅糧畸零者併
為百十石共一單方與收納致有包攬之弊文昇
令民自五斗以上皆自入倉隨到即收躬親驗
視即就倉理郡事畧無倦色歷陞工部尚書

吳德純

天祐慈谿縣志洪武十六年任慈邑丞值歲
旱德純沐浴徒跣詣天井潭致禱甘雨隨應

興學校以育賢良表貞節以勵風俗興廢舉墜卓著能聲

陳誠遜

天啟慈谿縣志廣信永豐人洪武十九年由監生知慈谿縣時寧波衛旗軍數十假公事至

邑四鄉橫索民物適鹽禁方嚴輒以私鹽誣民剽取甚酷誠遜悉捕之繩以法有史敬德者交通豪吏持牌巡邏鄰邑民攫其害聞誠遜至不敢入境

李子謙

成化四明郡志新喻人洪武二十七年由人材為慈谿主簿蒞事詳審人不敢欺本府倉

廠類敝上官督責有司違期勿就子謙立成之其他浚河渠修碑堰役雖繁夥而區畫得宜民不知勞

許伯原

定海縣志樂安人洪武間授定海縣丞以韋製一小圓牌書慎獨二字置之懷中操持清

介遇訟則曲為開諭使自相和解縣北有鄣水石堤十餘里年久傾圯度材修治完固民賴之

郭麟

寧波府簡要志定襄人洪武三十一年知奉化縣剛柔兼濟蒞政五年一邑大治陞刑部主事

陸本

成化四明郡志字思名長洲人洪武三十一年由人材授寧海令先是瀕海之民塗閭堤圯海

潮日浸連歲無秋民困於逋租且徭役相仍逃亡者衆本蒞政月餘推誠招諭復業修築堤岸闢以穀種耕牛俾事農業於是民得安生

李亨

鄞縣志澤州人洪武三十一年知鄞縣治事明敏人莫能欺民有茹初熟鄰人竊鬻於市民追

奪之訴於縣命傾茹於地笑指竊者曰汝真為盜若果為汝茹肯於初熟時摘其小者乎遂服又二軍籠二鷺道逢民家鷺羣竊其二納籠中民來訴亨問飼以何物軍曰糠粃民曰草耳頃之鷺糞庭

下糠草異驗二軍不能對其
明斷多類此陞蘇州同知

梅應魁

嘉靖寧波府志威遠人建文三年為寧波推官惟務寬恤聽決獄訟善探情偽時鄞邑民

邵觀奴妻陸氏潛之母家其母辛匿之反誣婿殺氏觀奴逮捕不勝拷掠遂誣服第無迹可徵久不能決上於府移應魁鞠之乃併繫辛氏於獄未得其情一日辛之少女來饋命收於僻處給之曰姊何不出令汝來饋至是女懼乃漏言曰姊在某處令某同來探母消息耳於是亟捕陸氏至辛乃服仕終布政使

王璉

王鴻緒王璉傳字器之日照人洪武末以賢能薦授寧波知府毀境內淫祠三皇祠亦在毀中

或以為疑璉曰不當祠而祠曰淫不得祀而祀曰瀆惟天子得祭三皇於士庶人何預毀之何疑自

奉倫約一日饌用魚羹璉怒其妻曰若不憶吾啖草根時耶命撤而埋之人號埋羹太守燕師臨江璉造舟繼謀勤王為衛卒縛至京成祖問造舟何為對曰欲泛海趨瓜洲阻師南渡耳帝亦不罪放還以壽終

魏宗

成化四明郡志字本敬南平人由國子生任台州同知陞廣州知府永樂七年調寧波先是守

久闕郡政多不舉宗至詢民情察政務利病之緩急而興革之先籍雜役額驗民丁稅之數以多寡貧富為差揭示通衢民知定役里胥莫能售其奸嘗置櫬座側訟至則納詞其中以次推理一出已斷輕重不失五邑之民聞風向化訟庭闕然

宋真

成化四明郡志和州人永樂十三年為象山縣丞壬寅冬倭寇侵縣官民聞風而遁真方出還

左右曰賊至當避之真曰吾司民牧當與民同安危民既受患吾將安歸持竿殺賊數人自午至晡更無援者俄竿斷猶赤手搏戰不已賊衆圍之剽七首中脅死

蔡海

象山縣志閩縣人永樂十四年為象山學諭倭寇犯境軍民奔散一空海獨危坐賊至不忍害

海厲聲罵曰醜賊自當稱貢乃敢寇境擾兵耶賊刺之遂飲刃而死

田南畝

成化四明郡志永豐人由監生永樂十二年任奉化知縣資性寬厚刑罰不妄施惟以禮

訓人民
日就化

鄭珞

福建通志字希至閩縣人永樂進士改刑部主事宣德初知寧波府鞠獄片言立決禁絕軍兵

邏捕之擾而盜賊亦屏息條減織染弓張二局及諸色歲辦物價均節賦力汰其浮羨一切老胥猾

吏盡束手以避興舉學校以至公署倉場橋梁碑
堰之屬罔不飭治每蒞政畢輒至明倫堂與諸生
質難可否獎其良而懲其不率即布衣
之士識治理者時延訪之治行稱最

余斌

分省人物考合肥人襲職為處州衛指揮使宣
德五年調定海衛建義學延師儒令官家軍民

子弟願學者咸肄業焉暇則躬詣考閱而激勵之
自撰公勤廉謹四銘書於廳事以自勵城南海山
有大決渡常覆舟溺人為文祭其神後遂無患
六年仍調處州衛七年陞浙江都指揮僉事

胡敏

寧波府簡要志字銳之定遠人宣德六年
知鄞縣操守端方臨事剛果陞監察御史

周銓

寧波府簡要志玉山人進士宣德六年知奉化
縣廉以持已惠以養民在任六年百廢具舉陞

監察御史
終按察使

和鵬

天啟慈谿縣志字大舉山西人丁未進士令慈谿勞身率下如建學校葺廨宇取材聚斲皆躬

為區畫故民不令而自勵廉潔出於天性官久益貧後以母喪去鶯衣以行官至僉事

賈爽

成化四明郡志巴縣人由進士授慈谿知縣教民樹畜賴以生息興入市貿易之利民甚便之

歲造御茶省節浮費蠹弊剔除民心悅服嘗歲早齋禱甘雨隨應以廉能薦拜監察御史

龍伯

天啟慈谿縣志江西人成化初知慈谿不尚深刻至馭吏則甚嚴革除宿弊簡省徭役境內肅

然聽訟止令口訴悉得其情由是囹圄常空

朱欽

福建通志字懋恭邵武人成化進士授寧波府推官舊浙江通志潔白自持訊讞詳盡巡撫張

憲贈之詩曰捍潮有力能迴海立政無私可問天以異等召拜監察御史

凌傳

江南通志字汝弼句容人舉鄉貢授象山知縣築堤障水民得粒食卒於官立祠祀之

姜昂

舊浙江通志崑山人知寧波府正直不阿躬率其屬薄賦緩刑與民約信魄遺絕跡門庭如洗

鄭琳

象山縣志弘治四年由舉人知象山剛方廉介執法不阿豪有力者莫敢以私干時人呼為鄭

硬頭

黃昌

嘉靖寧波府志字景文臨川人成化丁未進士弘治八年以兩浙轉運判官陞寧波府同知在

任清苦勤幹人莫能堪與郡守姜昂同時人稱一臺二妙

沈希達

嘉靖寧波府志字時用長洲人弘治十一年任通判先時倭入貢道寧波郡人利與市易

不虞其譎也已而自京師還偽券紛然無所辨希達召倭衆諭以善惡禍福大書天理人心萬里海

面八字懸之倭人氣懾
吐實乃折偽券償實負

丁袍

鄭縣志字天袞豐城人由監生任鄭縣丞雪誤
罹死獄者七人海運遭風連及數十人頻年拘

繫袍得其情
為申釋之

張津

嘉靖寧波府志字廣漢博羅人弘治進士正德
六年守四明廉仁公直郡嘗大旱屏車蓋曝赤

日中徒步行六十里詣天井靈湫
禱焉比還雨隨車霑足轉而為穰

林富

獻徵錄字守仁莆田人弘治壬戌進士授大理
評事忤劉瑾降潮陽縣丞瑾誅起袁州府同知

陞寧波府知府當道喜事者增募鄉兵命編戶輸
直富以儉歲民貧持不可廣德湖自宋為官田輸
租特重民陳乞如花嶼湖全折例下所司輒格富
憫其困乞與全折丁父憂服闋補處州山民聚徒

盜礦富計擒首惡斃之獄其黨怖詣願復業富命
代諸邑民兵食其役兵既精礦患亦息孝豐寇湯
毛乃倡亂富親抵賊巢擒其魁并黨數百他兵
乘之遂殲以盡陞廣西叅政仕至兵部右侍郎

徐相

象山縣志江西人正德九年知象山清介絕俗
自奉惟蔬素內子不堪相曰為清白吏婦不愈

於賊敗為戍卒婦耶後遷州守去今
里甲均徭十年一輪者自相立法始

瞿唐

嘉靖寧波府志字堯佐大名人第進士為御史
有聲正德十年蒞寧郡甫下車條布教令以表

正風俗為先務性嚴毅不撓於豪猾時市舶太監
梁瑤執法擾民唐舉憲典束持之瑤納賂其黨左

遷嵩

明州

胡瓊

天啟慈谿縣志字國華福建延平人進士知慈
谿斷獄明審尤振興學校在邑三年賊盜屏跡

民皆安堵召
為監察御史

廖雲翔

奉化縣志福建懷安人由舉人正德十年知奉化縣持身廉介不以家累自隨布衣脫粟

視民如子嘗有貧民負官錢者以其俸資代之不責其償先是縣官謁鎮守市舶內臣以賄賂其左右乃得通見雲翔曰寧使吾不得為官一錢尺帛皆民脂也寧忍剝吾民以博一見耶入覲人謂當多備行資雲翔曰天下寧有餓死入朝官乎調虹川致仕

寇天叙

名山藏字子惇榆次人正德三年進士任寧波知府政事之外講明理學士皆興起治行

為天下第一遷應天府丞陞刑部侍郎

葉竦

天啟慈谿縣志字喬新江西撫州人進士授龍泉縣調慈谿杜干謁止饋獻爬剔姦蠹會旱祈

雨責躬誓神徒步以禱大雨若注遂有秋
市井火發亟走其所長跪籲天火亦隨滅

鄭餘慶

嘉靖定海縣志字崇善閩人由舉人令定海

隙倡亂餘慶嚴為防禦賊退繕城隍除戎器定賴
以寧夏值亢旱徒跣拜禱大雨隨渥又大疫捐俸
市藥多所全活至冬大侵陳荒政十事不
待命下先發庾食其厄羸者纂定海縣志

李鳳

嘉靖寧波府志祁州人由監生嘉靖三年任象
山司訓博學能書坐齋舍中日肅諸生講課多

所發明會學使恣睢任意辱鳳整冠掀髯直前厲
聲曰為斯文宗主使士子觀法何躁妄如此因言
不可者三同
列皆為股栗

周懋

嘉靖定海縣志常熟人由進士嘉靖六年令定
海首進父老於庭問所欲惡而興罷之邑故業

海販時海寇肆暴官為厲禁且歲比不登民胥嗷嗷懋曰茲民之所以為生也即弛其禁徵科則置厥縣庭坐區長其中令民赴納懸鉦於前有過取者民即鳴以聞夜則封識存庫鄉無催科之擾官無督責之勞而侵漁斂跡

陳縞

奉化縣志字美中郴州人嘉靖七年由江西訓導陞奉化知縣時學宮頽圯即飭材鳩工輪奐

一新靖難忠臣戴德彝湮沒既久訪遺跡祀於鄉賢有蔣氏兄弟告訐積二十年縞至其家諭以大義爭遂息他如厚儲蓄增社學創義塚葺郵傳查革丁產之漏竄禁絕輸稅之分例不可殫述陞監察御史

錢璠

奉化縣志常熟人由舉人嘉靖十二年令奉化申減四明驛借支水馬銀三百六十八兩又申

華象山縣借撥弓兵六十七名所省歲六百三十
餘金又倪家碑圯壞捐俸修之創戴德義祠題曰
貞忠又以奉志
疎畧訂正之

王德溢

天啟慈谿縣志福建連江人進士知慈谿縣
振興學校謙恭下士以鳴鶴鄉去縣治特遠

盜賊充斥每親蒞其所糾察緝獲旬月間盜遂屏
跡又擇其子弟可向學者聚而教之以杜白二湖
民田所繫尤加意
疏濬擢監察御史

何榮

象山縣志茂名人嘉靖十五年由監生知象山
縣勤於案牘獄無冤滯當路廉其能凡大辟輒

委檢斷擬決如律不少
徇因忤權貴左遷去

沈繼美

嘉靖寧波府志字子充四川保寧守禦所人
進士為吏科給事中以言事謫海鹽丞嘉靖

十六年陞知鄞縣畧去邊幅與民以簡易從事一切冤不得直役不得平者皆得至其庭面陳患苦悉與疏決居常布衣蔬食澹泊自甘歷浙江叅政

吳允裕

象山縣志南海人嘉靖二十年知象山潔己奉公愛民如子邑舊無城山賊一夕竊發劫

去庫銀允裕罄俸資償之不足者尚過半民競捐貲代償調東安令比遷郡丞復署縣事百姓相慶曰福星再臨矣

徐憲忠

奉化縣志華亭人嘉靖二十年由進士知奉化縣政先釐弊清理隱田百畝以贍學

高廷忠

奉化縣志長樂人由舉人知奉化甫至即刻法之不便於民者十餘事惟順人情宜土俗

而期於政行有餽海錯潛置金其中者默逆之不揚於衆陞臨江府同知

徐易

西江志號豐溪永豐人嘉靖進士授鄞縣令開萬金湖築堰東西鄉凡三十二所澹洩惟時聞

募教水戰大儲餉以養士卒亡何而海寇作人服其前識徵為戶科給事中

蔣三才

象山縣志全州人嘉靖二十四年由舉人知象山縣時海陸諸寇竊發合邑洶洶三才倡

立父子鄉兵互相應援每有犯境及私行劫掠者捕獲悉置之法民賴以安

金九成

嘉靖定海縣志字鳴韶武進人進士嘉靖二十四年令定海持身清謹人不得干以私時

海寇猖獗編立保甲創置墩堡積聚芻糧設畫樹防種種具有程式又巡行郊野相地作碑以田斥鹵民甚賴之定邑故魚鹽貿區多援藉權貴以冒闕禁九成力為阻抑令行禁止以此左遷

劉逢愷

天啟慈谿縣志字虞讓泰和人嘉靖辛丑進士令慈邑訟庭片言決摘他邑以慈獨無山

稅請均之逢愷曰山已貢茶故寬上供何均為歲饑多方全濟楊慈湖祠宇久廢力任修復與諸生講學宗旨大暢官至太僕少卿

陸奎章

嘉靖寧波府志字子翰武進人領嘉靖戊子鄉薦除寧波教授至則出平生所治舉子業與諸生訂可否卓有程式或諷其督責太寬則曰此漁士之圖也吾恥為之吾與諸秀敏者朝夕誦肄即不能者可勉他何為哉諸生稱文行必曰陸東坤先生

沈愷

獻徵錄華亭人歷寧波府知府嘉靖壬寅癸卯間漳閩之人與番舶吏商貿販方物往來絡繹海上邊氓亦有闌出入者愷為厲禁犯者輒置重法適武人有欲立功邊徼者以虛聲鼓聽當途柄兵之人亦皆好事輒議兵勦焉愷獨上議沮之當事者不聽遂出師衆果大潰乃服其先見

張德熹

舊浙江通志福清人嘉靖中任寧波推官明敏能決疑久之獄獄中疫作慮因有不當死

者縱之歸約如期入勿爽其誠信孚格如此

龔愷

天啟慈谿縣志華亭人嘉靖進士令慈谿其治行括於廉法才三字當時仰為神君慈父名拜

御史極論馬政之非忤柄臣幾斃杖下楊繼盛以劾嚴嵩下獄論死愷昌言救之嵩恚甚外除憲臬將陰中焉愷上疏終養不待報而歸

畢清

天啟慈谿縣志嘉靖時任慈谿主簿多膂力工騎射值倭寇內侵承海道檄率兵禦之與戰於

奉化之上板橋殺賊無算再戰方橫戈直入後軍盡奔清手刃十餘人力竭墮馬死

侯國治

慈谿縣志字平裕廣東南海人嘉靖中由舉人以本府同知攝邑篆時慈始建城國治勤

於蒞事自昧爽至漏下督
察不懈遂成保障之功

毛德京

象山縣志字子極富州人嘉靖三十年知象
山縣修學校新縣署築城鑿池遇寇治兵而

折節下士平易近民即卓
魯不是過也陞台州別駕

蕭萬斛

奉化縣志字時應江西泰和人由舉人嘉靖
二十八年遷奉化令始蒞政改革分例定賦規

均徭役時多倭患中改塔山巡檢司并建出海公
館創石城一座於湖頭渡許挈鮎埼爵谿鉄塲山
之兵打造哨船七隻聯布司濱以給防禦又念邑
無城寇且旦夕至亟巾於上捐常徭而均其役城
成延袤一千一十八丈有奇冠三至不敢逼建又
新堂左耳房庫右兵器庫又建儀仗庫俱取諸贖
金不科里甲
任滿謝事歸

宋繼祖

定海縣志字汝孝漢州人由進士知定海縣時倭寇充斥邑大騷騷總制胡宗憲提兵至

定繼祖借給軍儲無闕兼善韜畧往往被甲戴盔率先戎行金塘舟山之捷皆與有績焉任定三年築湖塘葺公署廓學官皆為士民興百世之利先是崇邱鄉田引鄞東錢湖水以資播藝舊有蛇堰逼小浹江一決則水勢若建瓴盡注於江故河渠與湖水未早而先涸三農病之繼祖躬履其地去舊堰二十里所地名東岡築堰其下又去堰二十餘步所築碑堰以蓄水碑以洩水於是東岡以上江盡為河渚潯益巨不惟崇邱永無旱患鄞之七鄉亦胥被其利陞兵部主事改御史

陳紀

鄞縣志字仲理甌寧人嘉靖三十七年為鄞令邑遭倭寇幕府及諸文武大吏所至如織官私

供億紀先期置解舍凡所需器用及米鹽零雜毫不擾民麻陽兵五百人至令犒各豚首一紀曰城

所割日幾豚而需首五百耶不聽軍吏請賦枯魚紀曰奉禁寸板不許下海焉所得魚乃以蓋進又需騎五百匹紀曰鄞故澤國舟行無馬官籍額僅四十馬得馬五百乃以芒屨代幕府大志軍營需餉者故邀糗糧不受鐵下令貧富民運餉至軍所名曰倭米戶紀曰此徒為難耳因謬為好於帥以銀易之轉輸者皆得息肩

劉世曹

天啟慈谿縣志巴縣人以進士為慈谿令省刑緩徵與民休息不事毛舉鷹擊至土豪市

猾并奸吏舞文者法按之無貸

何愈

定海縣志富川人舉人知定海縣靈巖太邱二鄉地瀕海舊設堤四十餘里名千丈塘內占田

可數萬畝列碑五久之海水吞嚙塘碑相繼圯斥鹵浸淫年比不登愈乃覈占戶量田出貲驗丁發

繇修塘及五碑大浚諸渠引以溉田復修
靈緒黃河開舟山平水閘定之水利悉舉

霍與瑕

天啟慈谿縣志字勉衷南海人進士令慈
積梗穢大盜以民和召祥歲屢稔邑始城形

勝多缺相天時地利之便補偏鍾秀遵令丈量田
畝過目不爽尺寸吏民詭以為神會鄆懋鄉總理
鹽法巡行郡國驕恣無度與瑕清鯁無賂遺懋卿
怒喉齟使者劾之遂落職蕭然出署置書若干盡
捐之學
官以去

周光鎬

象山縣志字國祚潮陽人隆慶六年以郡司
理署邑篆首謁學宮問其典籍無有即捐月

俸購書若干卷貯之時命巾車省阡陌廉知山稅
病民白之兩臺減山蕩稅額千餘兩民慶更生

吳道邇

舊浙江通志漳州人進士令慈谿邑與姚江
錯壤姚江利洩杜白二湖之水以資灌溉建

閘於野私啟之胡田盡涸前令霍與瑕議建閘於內地俾不得乘間為奸兩邑訟之不已道邇辨決有方慈民得直

楊芳

鄞縣志字以德四川巴縣人萬厯丁丑進士知鄞縣廉得彰聖寺所侵學田萬三千餘畝清歸

府鄞二庠歲徵其租徧給貧士俗以斃命誣人先毀掠其家芳峻懲之刁風遂息禁溺女陋習為文徧諭開示惻隱後遂無犯者陞戶科給事中

蔡貴易

福建通志字邇通同安人隆慶二年進士由戶部主事出知寧波府有建開金塘大榭之

策者謂可墾腴田二萬畝佐軍興貴易曰此國初所徙地也役蒸黔而資巨室庸詎利乎既力白於上官事遂寢寧閩外跨大江為浮梁兩涯隙地為豪家占以築室渡者一日溺百餘人貴易廉得其

狀立毀之仍為文祭溺者
患遂息擢本省按察使

唐師錫

象山縣志莆田人萬歷九年知象山布衣蔬

食未嘗取民間束菜胥掾皆畏之奉三尺惟
謹歲倫邑多菜色督餉者讓師錫慢期師錫笑曰
吾忍以敲扑殘民命耶寧坐催科政拙耳卒以下
考去去之日蕭
然一索而已

何偉

天啟慈谿縣志字汝器涪州人萬歷癸未進士
授慈令寬和為治時邑苦災侵道殣相望偉行

平糶法發倉作糜以起菜色搜肺石之積買棺蓋
皆體建東西城義倉各一犯爰書者入粟儲其中
備天行之乏邑治冠於山謂形局失宜民請更之
偉曰勤民以康吾宇勿為也因材於構因石於址
因土於山使朝無烟夕罷炊者借傭資以
果其腹指顧而役竣秩滿召拜給事中

喬萬里

奉化縣志號弦所松江人舉人萬歷十三年任奉化廉以持已勤以恤民尤重學校明倫

堂圯即力新之其於逋負令漸次輸納負罪者至庭必哀矜而遣之

時偕行

定海縣志嘉定人進士授諸暨令調定海萬歷十五年奉詔經量田地山蕩偕行履畝躬

親里胥無所容其奸邑大饑設法賑濟全活甚衆至若衛里射圃社學民兵皆其所創舉召補御史

崔振臬

象山縣志號淑寮番禺人任象山令政平訟簡不事苛察小民戴若慈母值海上戒嚴訓

練土著葺除戎具立辦勁弩千餘分給守陴者躬自賈勇為士卒先孤城恃以無恐

汪應泰

定海縣志臨清人由進士初任諸暨破巨奸剪劇盜有能聲當事以定海為巖邑調應泰

來令值大侵之餘多方惠濟飢民賴以存活邑有興作無不力任之時颶風發屋官舍廊廡盡圯應

泰曰椽桷不完何以壯國容於是首堂宇及廟獄亭坊溝井次序就理召為刑部主事

翁憲祥

鄞縣志字兆龍常熟人萬歷壬辰進士為鄞令邑西石塘碑與慈連界慈人旱則決澇則

閉鄞受其害憲祥勘定之利害與共鄞人受賜邑賦役條項繁瑣憲祥纂定一編名賦役全書刊行民間傳為治譜邑丞江輔政廉性慈有目疾頗不得於上官憲祥翼之俾得盡職召補給事中

黎民表

定海縣志號石洲南昌人由舉人知定海萬歷初條鞭之法雖下而郡縣不盡遵行定邑

民病雜役里甲弊於催符民表一以條鞭為程凡所徵解皆官自任之百姓惟計畝輸錢而已後令循其法他若置學田完城郭利及邑中久遠者不可勝紀

倪甫英

象山縣志字華月上海人先令分水有聲會象令闕當路以繁劇調象土瘠民頑甫英一

意節嗇拊循見德不事追呼而徵徭樂輸者恐後
邑故樊藪奸胥為政甫英歎曰病在版籍廢也乃
較定經賦全書上下皆便

樊穀

奉化縣志進賢人舉人萬歷丁酉任奉化令邑
舊仍陋甲歲致羨餘數百金穀嚴行芟革鐫石

垂後催科立限取足不取溢驛傳苦供億不辦上
請免編革存銀若干兩立意寬厚不為多事而大
事大獄默幹而徐制之治盜必破離其黨開以
自新作興文學講貫不輟多士蔚起仕至知府

吳文企

舊浙江通志景陵人萬歷中知寧波府郡豪
有侵管地為市肆而輸金於守號公用錢文

企叱吏無進亟撤其屋時正防倭水陸兵餉
多漏庀文企手算支給毫無虛糜士卒感悅

魏成忠

鄞縣志字蓋卿萬歷戊戌進士知鄞縣勤修
水利於東岡硤增為十三洞躬挽石運磚以

作衆氣節贏金賀田四十
餘畝以供守夫補弊之費

趙思基

定海縣志號雲澗粵人萬厯中令定海先時
巡撫視師海上率居臬司行署前令有議毀

民廬創開府者市民惴惴不自保思基至曰吾為
爾善計之乃周覽城中得城隍廟西蔬圃地遂經
營其事府成而閭里安堵如故思基為令廉明善
釐夙弊吏胥無所容其奸調去之日民閉城畱之
信宿車
不得行

詹沂

奉化縣志號魯泉宣城人萬厯中以進士為給
事中左遷奉化令視士民如子歲旱躬禱郊外

雨大至連三日禱皆雨環城十里皆足八鄉之未
雨者遠詣縣庭號呼以請沂曰我當復出於是每
日大雨如前
八鄉霑足

黃樛

舊浙江通志金谿人萬厯中為寧波通判軍儲在昌國者多影射樛渡海親覈之宿弊盡洗海

舟闌出莫可詰樛括其舟悉籍之為什伍相保各有標驗奸宄肅清

張似渠

天啟慈谿縣志四川人萬厯中以本府推官攝邑篆慈邑舊貢茶額二百六十斤日久

茶株盡絕胥吏為奸重斂里正似渠盡從官給一毫無所擾於民旋徵為御史

黃應明

奉化縣志東莞人舉人為奉化令甫至邑出諭俗十五章勸民從化村無怒吏戶無負租

訟至立折吏胥無從索一錢持半日糧即得平反時有黃半升之謠鄰邑權貴以飢法事囑峻拒之為所陰中竟以調去仕終漢陽別駕

何士晉

舊浙江通志宜興人萬厯中為寧郡司理郡中董孝子祠初奉母像於偏隅祀則先神後

母士晉非之乃出俸更置後寢以奉母祀則先母後神祀與始正更助之田又恤諸生之貧為置田學宮使邑丞司其出入治獄廉平遇事立剖

顧言

慈谿縣志字中瑜江陰人由進士令慈谿徵糧惟書花戶應納糧數令按限自封投櫃吏無侵

漁而民免追比採礦使至不為禮瑞大怒思中之會上官具言令賢不可動乃止遷刑部主事

周家椿

舊浙江通志同安人萬厯中寧波推官剖決如流嘗攝郡篆兼署鄞邑執要除煩庶務咸

理捐俸錢置田於郡庠士民德之

陳茂齡

定海縣志溧陽人明經萬厯三十六年為定海丞有惠政董修重邱永濟橋事無鉅細皆

以躬親之與士交必敦行誼

江秉謙

鄞縣志字兆豫歙縣人萬厯庚戌進士為鄞令編審丁田蕩地定由票之式每號開載四

至土名與魚鱗黃冊買契相符并

填業主姓名詭寄虛契之弊絕

賴愈秀

奉化縣志江西安義人選貢萬厯甲寅任奉化令通敏練達開萬家河造太平橋勦北渡

公館修學宮事事精辦不動聲色在任未久而去人皆惜之

張可大

王鴻緒張可大傳字觀甫應天人萬厯武進士任浙江都司僉書厯遷舟山叅將舟山居

大海中元時建昌國州為浙東要害可大修軍政自岑港抵厯海三江皆置戍倭犯五罩湖白沙港茶山潭頭連敗之加副總兵城久圯可大與副使蔡獻臣築之兩月訖工城內外田數千畝海潮日害稼可大築碶蓄淡水遂為膏腴居民名之曰張公碶天啟元年以都指揮使掌南京錦衣衛崇禎

元年出為登萊總兵官守登州死節

沈猶龍

鄞縣志字人伯華亭人萬曆丙辰進士為鄞令做古社倉之法以備凶荒出陳易新一免

紅腐民沾實惠長春門外舊有泥塘江流逼城斥鹵易入猶龍甃堰以石鄞民永利擢監察御史至

兵部尚書

顧宗孟

定海縣志號巖叟長洲人由進士蒞定海天啟元年部檄定鎮陸卒千餘人援遼時承平

久兵皆驕惰一旦聞遠調遂於啟行之日大譁縛其本官首領毀民間廬舍勢幾不可遏宗孟挺身慰諭之衆素懾宗孟風裁遂戢徐肅隊而行邑河渠西達慈南達鄞歲久且淤宗孟并濬之前令黎民表之行條鞭也奸宄無所售衆有異議宗孟不為撓沮一切循其法秩滿以治行高等徵為御史

陳其柱

慈谿縣志字元素崑山人由進士令慈谿聽訟不輕加鞭扑至市魁扞網不得已而用之

民皆化其德無犯法者時海寇騷擾其柱歷要害增築三壘屹如金湯去之日慈民號泣追送建祠

闕峯之麓

張伯鯨

鄞縣志字瀚伯江都人萬歷進士由歸安調繁鄞縣性清執有幹畧懲奢靡躬行儉約兩

鄉水利封洩修築必躬往督察不委佐領嘗斷冤死獄釋盜所株連七十五人遷戶部主事歷官兵

部尚書

何汝賓

定海縣志字寅之蘇州衛世襲指揮天啟二年調昌國叅將先昌國營伍糧多隱佔兵苦

陋規謁有贄汛有情解稱有例薪燭竹木鼃魚麋鹿有供汝賓蒞任之始一切洗革故士伍感恩用

命撲洪宇於石浦覆林洪於近洋蹙林淑舟踣張一老并盡恭化餘黨所至無不奏捷喜文翰嘗著

舟山志遷廣

東都督僉事

潘起鵬

象山縣志字以凌廣東新會人天啟七年由舉人知象山縣軫念民瘼釐剔奸弊吏胥畏

若神明值海寇攻昌石諸城起鵬率兵勦禦獲賊曾伯仁等海疆以寧

陳賓

名宜留祀冊福建詔安人天啟乙丑進士知慈谿縣有惠政歷湖廣叅議獻賊陷荆襄死之贈

右副都御史謚忠貞慈谿縣志時海寇劉香騷擾瀕海郡縣瑣備禦有方寇不犯境斷獄數言立辨

濬河渠以溉田

畝民蒙其利

龔翼

定海縣志字和梅滇人由進士崇禎三年知定海以儒術飾吏治老稚莫不惟悅鎮兵以餉慙

期脫巾趨郡將闕於府門彙聞單騎追之兵士聞馬鈴聲相謂曰龔侯至矣遂俟於道左彙為開諭隨還歸伍巡撫羅汝元聞之曰令牧民者也而能使悍卒聽約束其居官可知

廖鵬舉

福建通志字孟博晉江人萬厯己酉舉人為寧波同知寧郡蛟門商舶幅輳鵬舉取舊規

例一切革去庭有質斷引情剖決使自悅服民呼為廖外公時石浦諸衛劇寇締突樓船數百鵬舉單騎慰諭賊遙見曰廖外公來也釋甲而回寇平擢南安郡守

林夢官

舊浙江通志龍谿人崇禎間守寧波值歲旱步禱天井龍潭祈龍者隨其所得即奉以為

龍得一蛙夢官曰此蛙耳奚名為龍吾將屠之左右皆驚阻夢官曰倘致龍怒而雨我甘以身殉遂磔之少頃雷電驟興滂沱遍決

林元

舊浙江通志莆田人崇禎中謫寧波通判性廉靜飯蔬飲水甘之若飴其子來省將取一疋布

大怒曰亟去毋汙我卒於官同僚為醵資殮之

陸自嶽

舊浙江通志武進人崇禎中知寧波府郡有巨猾充役廉得其人收捕之猾賄勢豪冀免

自嶽曰僕為此方除害公反欲貽患桑梓乎置之
法有賊胡乘瓏者倡亂雪竇剋日分犯自嶽捕其
內應六人誅之隨發兵直抵賊巢獲其巨魁餘勿
問當急變時自嶽募丐羸民兵六百人或曰兵期
壯勇奚用是為自嶽曰此饑饉餘生
不急收之祇助寇耳其深識如此

胡夢泰

奉化縣志江西鉛山人崇禎進士其治奉化才甚明決而謙鞠必主寬平賄學官圯壞給

資以新之勸地方輸粟備荒平其直以給民奸吏無敢舞文值米貴傳警多訛民志思亂夢泰取其

黠者立斃數人衆志遂定尤敦尚理學名節如文靖舒公拾遺戴公極力崇闡捐俸立祠置田以祀

黃端伯

舊浙江通志江西新城人崇禎中授寧波府推官清介獨立執法不阿布衣蔬食貨利不

擾其心人呼

為黃佛子

李沾

舊浙江通志華亭人崇禎時為慈谿令剔除穢弊力行善政民便之以丁憂去任士民攀轅而

泣

汪偉

慈谿縣志字長源休寧人以進士令慈谿歲侵捐俸市粟勸輸平糶全活甚衆時邊事孔棘部

符下郡邑預徵并督累年宿逋偉設法徵解額外無增益後行取授翰林檢討死闔閭難偉與妻耿氏同就縊題壁云身不可辱志不可降夫婦同死節義成雙已耿就右縊以手招偉曰止止雖在顛

沛夫婦之倫不可失也卒正左右而絕其從容就義如此

國朝順治九年
賜諡忠愍崇

恩祀鄉賢壘荷
綸屢邀

憫恤為不愧云

國朝

陳白輅

舊浙江通志字嬰白江南人恩貢生順治六年任象山令象邑懸處海陬值鼎革之初白

輅憫其瘡痍曲加軫恤
苞苴往來一切謝絕

王貞

奉化縣志號千峯江南南陵人順治九年任奉化縣始至清積胥之乾沒者訟牒如林讞決必

當其情設立綱簿詳載里甲總數田地山蕩丁口
按則科糧完欠瞭如指掌上之司部頒其法於各
邑十一年值均里令下與力行之為奉邑永賴大
兵平舟山軍需朝至夕發督造戰船運木深山役
徒千百計與必躬親事若游刃奉城傾圮議增築
與區畫興工不日功竣十四年山寇猖獗與嚴責
保甲搜獲真賊訊實斃之又講藝興學築後
溪塘捍水以內艱去任後累遷山東鹽法道

張秉乾

象山縣志字治平江寧人康熙九年由武進
士任象協左營守備能詩文兼工書法十年

大旱米價騰貴設法賑濟十四年海寇犯象秉乾
堅守却之賊再至單騎迎敵遇賊棲霞觀前奮勇
驅殺賊勢愈熾乃登城樓大書秉乾死矣四字於
壁帶甲觸石死事

聞廕

一子崇
祀名宦

邱業

名宦留祀冊安陸人康熙十一年知寧波府重士愛民一時沐膏澤者羣比之召父杜母致仕

歸囊橐蕭然載菊數本曰非敢效彭澤也聊以免俗而已人益重之

李時芳

名宦留祀冊由武舉順治十八年任寧協副將康熙十五年海逆連鯨犯象山圍七晝夜

時芳以孤城一旅分兵設禦誓死堅守城邑得完以勞瘁卒於官

王國祥

名宦留祀冊為台協寧海營叅將康熙十五年賊圍象邑奉檄援勦自寧海黃墩直趨石

門嶺入界斬關破竹而來賊始倉皇遁去招集流亡安撫遺黎全活甚衆會李時芳卒即授為城守副將見學宮兩廡傾圯捐俸鼎建親為督理不數月告成以武臣而加意學校不多覲也

何琛

寧波府志號西園閩縣舉人令慈谿性慈祥耐煩劇兩造陳辭和顏聽受徐出片語判曲直民

無不服者在任五載未嘗輕杖一人

李廷機

名宦留祀冊瀋陽人官學生康熙十五年知寧波府以愛民為主嚴束胥役不敢為奸杜

絕苞苴一時謳頌載途稱賢太守

蔡毓秀

名宦留祀冊號一齋錦縣人康熙十六年任奉化令值歲暮鄉民以逋課滯獄者數十人

悉放寧家約以新正完課民感泣率如約課未嘗虧有盜魁二人以行劫橫州里毓秀擒二人磔於市羣盜斂跡遇編審品搭貧富平均徭役詳請免運象協兵米民累得甦歲大旱禱於柏香巖甘霖立沛又捐俸置田於法海寺以設供龍神學宮傾圮捐資修葺增建講堂射圃

周聖化

定海縣志字西鐸祥符人康熙壬戌進士二十九年知定海縣邑初設百務未舉聖化至

建署解倉廩庫獄及學宮城隍祠
御書樓大綱畢張凡有利於民者悉心籌畫行之初邑

民皆葺茅以居多火患首捐俸糾同城文武買瓦
易之歲侵為粥以食飢者治邑三年政簡刑平以

卓異陞秦

州知州

繆燧

名宦留祀冊字蓉浦江陰人康熙間知定海縣
重葺學宮城隍廟捐建義學買山田以資生徒

膏大築蘆花寨大展寨社倉以防歲飢修砌山謝
浦等塘青鰲淀齒諸碑以儲水利至海關榷稅凡

民間日用之物申詳督撫一概免徵
邑未有志燧手輯成書考核詳贍

馬受曾

寧波府志字念功溧陽人康熙己丑進士今
象山修葺學宮創建義學疏濬濬南河纂修縣

志酌催科嚴保甲勸農桑崇節儉賑饑荒瘞暴
露在任十三年屢被薦剋竟卒於官士民思之

楊懿

公舉事實蒲城人舉人雍正四年知鄞縣凡民間爭訟有闕倫理者反覆開諭務期仍歸和好

不輕加決罰五年遇水災履畝親勘詳請蠲租發賑民無失所六年旱米價騰貴詳請發米平糶并開大嵩河工修理城垣使貧民得以力作餬口尤盡心水利一切塘堰碑閘及時修築行順庄嚴保甲矜恤罪囚重造監房增葺新舊倉廩積穀備賑鄭邑學宮頽廢首捐二百金勸輸修葺改城北胡公書院為義學延師訓課朔望宣講聖諭廣訓每屆設立鄉耆一人專司講解以堵塞長春塘積勞成疾卒於官

浙江通志卷一百五十二